



平園續彙卷第三

古律詩六十八首

余仲庸鑄從辟廣西示洪景虛所作松風閣記題
詩反招隱

小松風颭：長松風烈：遙知炭溪上餘韻西清絕宦游
正可樂歸夢未應切待生丁固腹徐化莊周蝶

寄題安福朱景源景雲所居二首

四始昭垂棠棣詩九江屹立義門碑請君更學張公藝忍
字常為一字師



右義聚堂項予刻江州陳氏義門碑遺其裔孫今
以奉送請廣其傳

友悌人知天亦知風雲會變籀龍兒從今直節亭前後枝
茂宗生竹也慈

管長源漣朝奉挽辭

青袍黃甲鴈飛英紫綬金章晚更榮德家傳遠北谷脩
齡人羨濟南生墓中深刻同年筆世上難磨異日名識面
有時進往事傷情無路奠佳城

萬安賴秀才家拾青樓二首

經術逢辰富貴兼敢名銀艾未傷廉更須喚作藏書閣別
貯勸侯三萬籤
高柳侵簷帶綠烟平林遙望倚青天詩人不死工摹寫田
與恩袍色闕鮮

靜庵曾伯虞機挽辭

往聞郭蕪山學易之指南良齋後其子議論青出藍授徒
蘭溪上妙理常窮探真正傳何人著錄推靜庵林疾似玄
晏觀復師老聃芒、已歸根而容無多談

寄題江陵撫幹胡仲方樂官舍信美樓二首

彼美人兮棲楚都身親歷戰術江湖僚賓逐使多賢者共
願飛鴻亦樂乎
家在香城溪水邊冠霞飛閣切雲烟後軍樂事猶吾土底
用銷憂賦仲宣

追挽胡季文籍知縣

萬人競渡一標歸鄉里今猶託錦衣芹藻再思俱有造教
蒲連執摠成非風吹劍首空遺吠日照禺中遽落暉宿草
縱存無路哭追懷往事重欷歔

悼亡之後病齒不能食拔去其甚者有感賦小詩

咀嚼勞渠八十年更因缺落拔其殘已無韓愈妻堪詫只
欠張蒼乳可食

元樞陳叔進際挽辭二首

淡墨名何早洪鈞轉稍遲藝文追伏鄭德業望息變實事
常求是多聞更闢疑斯民先覺者今代捨公誰聯事麟臺
裡論心鶴禁中賢愚雖有異出處不無同避迹橋山日淒
涼浙水風兒孫看競爽門戶慶方隆

胡季亨漢園中有觀生亭取觀天地萬物生意榜

誠齋賦二詩次韻

物我相歸造物中存神過化本同風靜觀此理顯然順豈
問深青與淺紅

只道春榮夏乃亨誰知四序本生：黃鍾大呂還相處上
下方能著五聲

臨川貢士徐子比先世有十萬莊今惟一山巋然
田間立曰獨秀求予下語因記東坡以是名南康
田氏之峰就用此意致登科之祝

不須十萬憶膏梁有美崔莊莫遺荒獨秀佳名今暗合要
三二別四壺方

某紹興甲子赴試此地卜居今十年三歷秋舉每
遇中秋必與親舊歌舞之今歲大病使今年散道
蕭然偶伯信仲威携子姪相過喜成四韻

上元甲子此攻堅卜築安居正十年登堞遙觀燈奪書歸
家却賞月流天丹臺旋葺新坊竈絳帳都拋舊管絃賴有
故人將驥子功名不斷復青氈

送楊子上扶赴柳守羅達甫之招二首

史君為郡入蘇天六月清風更穆然子到同吟仙井摘公
餘赴賞北湖蓮

誰傳衣鉢付楊雲
卿子文鋒舊冠軍
主合蘭賓折桂未
春吉語一時聞

江西美復送四景詩再次韻

酉歲應知富酒漿
頻年暫輒奏伊涼
沼蓮不使紅侵碧
池鵝聊容白護黃
照坐雖無駢火實
繫尊幸有絡絲娘
西風早晚驅殘暑
何日尋盟到野塘

時久闕雨回西美東就附小詩 辛酉

君能多益辦我鼓
再而辰安得催詩
雨心搖畢月離

三次韻答江西美 辛酉七月

菲飲筆壺食與漿
淡交非復世炎涼
佳名誰合戒州錄
妙語端由太史黃
無怨不須移孔議
有情未可老徐娘
荷香襲坐忘歸興
不覺昏鷄影度塘

四次韻 同前

只因瑞露酌天漿
解后移尊趁晚涼
眼看碧幢敲手蓋
綠心慚白鵝
三魏黃飲
隨人量
陳三雅興
入詩情
詠四娘雲黑
月離今驗笑共欣
甘雨溢波塘
東坡催考校詩門外白袍
如五鵝莊子鵝不日浴而
白並音鶴漢書注黃鵠下太液池似誤矣黃鵠棲即黃鵠
鵠鵠聲相近其色亦然

五次韻 同前

容嘉合饋五先漿竹好仍生一味涼天與冰肌勝傳粉星
駝火齊捷飛黃將雖華表丁令喚度京江憶杜娘婁枉新
篇誰可擬一川烟草賀橫塘

四景詩似久一篇五更枕上足成之錄呈西美司
書勿勞屬和僕亦偃旗閉壘矣同前

甘寒何必極為漿也解造巡造醴涼更喜鶴鳴添子和休
因荔進引蕉黃花如宋玉窺鄰女詩似劉郎問秦娘只欠
西湖双画舫便疑風景類錢塘

八月十八日與客小集賞巖桂而紅海宗金林檎

盛開明日江西美賦四絕句走筆次首篇韻辛酉

壯觀江湖拍岸時錢塘是日潮及大肯來小圃訪樊遲天憐無以

娛嘉客併葦春花伴桂枝

龍泉李宗儒師儒兄弟槐陰書院辛酉八月

君不見漢京辟雍載黃圖博士直舍三十區分行數百曰
槐市下有諸生講唐虞又不見本朝肇啓迹英閣稽古

隆儒號經幃風清枝翠似交舞日煖花黃時細落東坡日侍通矣

閣絕句瞳日脚晚猶清細柳槐花煖自零又為內翰謝御書詩云日高黃下西清風動槐龍舞交翠注閣前有

双槐枝如龍形君家欣慕名書齋伯仲方將與計偕橋門且倍億

萬計朝路終馳十二街義柳文華妙天下引喻牛行相君
舍勉栽植德企前修它日光孫攀逸駕

龍泉項汝弼字唐卿廬溪書院子名夢授

往聞澹菴評鄉賢有朋曰項如虎墳是非褒貶乃枝葉孝

友忠信為本根姓名不願唱上第詔旨特許旌高門項名

胡忠簡公俱以春秋學馳聲不及廷試死異十年以行義旌表門閭化行同邑得模楷經

授猶子白淵源輕財重義殫前烈築屋貯書貽後昆誰能

漸摩入我室世但涉獵游其藩泉江况乃多待從遠秋二

郭近則孫學成家上是省健明万里看騰騰

寄題龍泉李氏萬卷堂煇之父

斷簡殘編已可披排籤挿架有餘師五三載籍多為貴九

百虞初小不遺潤屋殊非阿堵物傳家自是寧馨兒老來

鉛槧心猶在每憶雋書館殿時

安福歐陽鉉之奉議桃花源二絕句辛酉九月戊辰

蟠桃一綫歲三千仙傳荒唐未必然何似此花留巧石有

開無恙更長年

武陵溪畔古桃源洞舍空勞記往還晉代漢郎心不轉隨

花化石在人間

巖寬桂巖堂二絕句 辛酉十月庚寅

巖桂標名木在山城居翻似桂為巖香浮仙籍書生事早
拜恩袍映彩衫寬奉親

卜築華堂已八年花因舊植有新添廣寒何待中秋到明

月清風即步蟾

次韻章茂獻謝茶并序 辛酉十一月

某北德閣焙小春馳獻侍講侍郎乃蒙佳什之賜且

聞因任江祠輒次巖韻併以為賀 辛酉十一月

墨淡名高筆有花月中五色補 皇家誅書夜奏常焚案

講古時軋每賜茶祕祝重尋丹火竈長生元笑紫河車新

詩有味知何似雙井春來試白芽

太和宰趙嘉言汝暮造大舟付諸渡又停御村酒

坊代翰其課繪云二圖各題小詩 辛酉贈日

早渡行人簇水邊水中較鷲慣垂涎從今何待跛男子共

載誰非利涉川

攤酒催錢吏打門那堪嫁娶畫朱陳稍捐官府秋毫利散

作御村浩蕩春

太和丞廳葺三亭於官廨曰真清謂松曰特秀謂江

山曰成蹊謂桃李又有讀書臺龍首池寄題三疊壬戌二月

古乘水尚涉文書近世何曾識吏胥不對溪山種桃李官

居真復似僧居諸邑文書雜繁丞階並不簽押

松竹林中讀異書公餘有味在三餘立之猶未登臺閣余

不負丞：負余韓文崔斯立名立之

池疏龍首水循除日暖游條得自如官已忘機民正樂子

今知我：知魚

送給丞郡章貢壬戌四月二十六日

翰興吉鄰子少游焉綸久待倅關本謀迎侍而史君

象先侍郎亦見招云吾鄉永嘉倅廳有戲綵堂蓋趙

岷貳郡時為清獻公作今吾州乃清獻旧治且公舊

遊何惜一來雖老病未能如約然情見乎詞

雞犬新豐識江山清獻遊吾能忘舊隱汝且事賢侯剝酌

廉泉水徐題戲綵樓倅廳白鶴樓八境之一也明年更強健亦欲理方舟

華文閣學士沈持要樞挽辭二首壬戌秋

百篇奧突上規姚一代英灵水出蒼使節帥符周郡國天

臺儲禁切雲霄起庭祿春連三組御極恩章接四朝行馬

施門兼五福死生窮達祇隨

宦遊到處績皆凝名遂歸來望更增
基勢畫翻饒國手蒲團夜坐敵禪僧
風標帝憶清如鶴書札頻通細若蠅
戲絲堂空詩版在禾興耆舊傳吳興

寄題贛簿彭南夫讀書樓二絕句壬戌八月

曾門嘗佐虎頭州濟美人猶記督郵三仕
今看孫又子會持麾節繼前脩

江山不怕簿書迷鸞鳳何妨枳棘棲
公退讀書消永夜遙知太一下青藜

劉訥畫廬凌三老圖求詩壬戌

同辭宦路返鄉閭兩驢驢中間以駕
前後顧瞻羞倚玉支干引從偶連珠
三人不用邀明月九老何妨續畫圖
後漢二疎唐尹後相親相近此應無

西美司書賦生瑤瑁佳篇仍索鄙句奉和一首壬戌十二月

衷甲藩身却誤身誰教全体點斑麟
幸容生致池中物忍使剝為席上珍
剝買漁鹽使爾性養之之法日易鹽水飼以小魚閒隨鳧

鶴稱吾真却思御食紋如豆恃食鈞天二十春殿宴御茶

此器每酒備進御膳盛以大合金花其內紋顯如豆謂之豆子斑是謂上滋蓋歷落不模糊耳

走筆再次西美韻兼簡季章

天放尤物伴閒身不為衣裳易介麟莫效虛亭思辟毒見本

草注其字從且同李閣賦潛珍鈿金元重名兼器士庶不許用金

鈿璫瑁飾帶空勞假象真金犀帶視以玳假為之久侍尚書叨賜

予新涼來醉友家有此盃及筆皆賜物壺春

次韻楊廷秀待制瑞香花壬戌十二月二十日

灞橋忍凍西眉攢漢殿含香別一般粉面固宜垂紫袖錦

裳何必著中看禪禁庭侍史今同宿官帽花枝故自樂咀

嚼新詩懷舊直刺倉寧不愧河檀

廷秀再用韻見寄末白易檀為蘭故亦不復從前

韻目前

脩竹凌寒劍戟攢何如綺繡媚千般爐薰錦帳朝衣夾花

顛金釵舞袖禪少態山茶空艷；多姿梅葉恨藥；西清

垂意君知否應記青綾舊握蘭

丞相金處恭瑞禮挽辭壬戌閏十二月

勳業良平亞声名丙魏齊寧手天安玉座推轂聚金閨鄉野

休鵬翼沙堤望馬蹄新麾辭海上舊治樂湘西豈料占飛

版真成夢白鷄公辛酉歲薨九重思汝隔三鎮有兒啼昔者同

朝久公乎不我睽八哀空日誦一束哉時攜

楊子直詔書以一詩送小兒歸省又一絕及平園

花木校文苑英華併次韻發笑癸亥春

老去何心悅盛華觀書無奈眼昏花但思載酒楊雲宅細

問三州二部家作象隨 卦云爾

栽花種竹滿平園人道安閒似樂天自笑鉛黃消永日何

日變素樂華年

壬戌冬主胡季亨伯信仲威叔賢相過洛花一朵

正開置酒賞之王南劍偶遣矮人獻笑坐中以開

閒長短為戲因成四句

霽色舒圭景寒醅斝玉盃閣議方且開國色已先開幸有

嘉賓客將何助咲咍共言長日至底事矮人乘

嘉泰癸亥元日口占寄呈永和乘成兒

歸田初不隔江淮底事心元未往來賭酒彈棋真夢爾幼

與兄以此字 歲不覺天明膠牙藍尾亦悠哉莫思樂事年減且喜春

花日開兄弟相看俱八十研朱贏得祝嬰孩趙永年通 判每云朱

書八十字於 額上欲其看如此襪襪兒

正月三日胡季亨及伯信仲威叔賢昆仲歐陽宅

之李達可同自永和來雨中小集疊岫閣用金鼎

玉舟勸酒下視梅林戲筆舉說命五說戲祝六君
蒙次前韻賦佳篇各徵舊事各以一篇為謝於亥

未復中原近守淮前朝該輔只時來濟川用隔我無是作
醴和羹何有乳正喜春晴知歲莫初一初二皆晴頓招雨澀坐筵
開和詩更作齊兒語老手屠龍合拊孩

右答李季亨

舟浮江海達于淮不盡詞源來：來人是浴沂三益者句
成泛剡西佳乳千鍾但使尊中滿九帙後教案上開却憶
兒童聚嬉戲羊騎竹馬弄泥孩

右答胡伯信

元和碩聖雅平淮韓柳文章付後來聯璧照人今聚者漸
全定契古誰執白醪勸我頻需醉青眼逢君肯懶開會散
東風吹面頰凍梨誤喜色如孩

右答胡仲威

朱顏青髮憶秦淮白鷺洲疑鷺駕來側畔交遊欣作者甲
間廣和負康乳新春漸覓風光好凍迹時時日記開惟有
詩情不如昔傍觀撫掌到緇孩

李白金陵詩云二水中分白鷺洲城上有亭銘吳戊

冥分教時每登覽忘歸自此日有記事已四十六年今
廬後江中亦有白鷺洲嘗創小樓會客其上懷舊及之

右答胡叔賢

安流咫尺異踰淮有興何妨疊權未若梳茅柴殊易耳萍
蘼豆粥豈難執談鋒不怕通宵直燕席寧辭逐日開况是
上元佳節近華燈万點看蓮孩謂孫兒蓮

右答歐陽宅之

濁泾不必羨清淮社鷺賓鴻任去來老子何曾憑日者後
生正合競時哉圓規枉北方心鑿塵世帝令笑口開八十
老翁行未得不如能說小兒孩

右答李達可

周愚卿江西美劉棠仲各賦江珧詩牽強奉答一周

字韻格
癸亥

東海沙田種蛤蚧南烹苦酒濯瓊瑤餽因暫弃常珍變指
為將嘗異味搖珠剖蚌胎那畏鷓枉呈馬甲更名蚧累人

口腹吾何敢慚愧三英喜且謔

四明江珧自小種而為大
生致行都廣門則暗之

近方稍用酒漬乃能寄遠韓文公詩章舉馬甲在鬪以恠
自呈枉即玳也廣韻亦注蜃屬可飾甲臨海至玉玳似蚌

殼中
柱美

元霄煮浮圓子前輩似未會賦此坐間成四韻同
合夕知何夕團圓事事同湯官循舊味竈婢詫新功星粲
烏雲重珠孛濁水中歲時編雜詠附此說家風

再賦

時節三吳重

京師貴浙燈東坡上元詩云三吳重時節

勻圓萬顆同叟浮雖有

法烹煮豈無功杜喜雲杪白徐妨酒復中策勲俱是秣適
口不同風

茶園王琰求清暑堂詩次王民瞻敷文胡邦衡次

政二公舊韻

癸亥春

早遮西日覓王官晚倚南窓審膝安
清風揮塵落紛紛蒼雪着筵寒
荒前白酒傾雲液竹裏行厨洗玉盤
江月上時涼意足四弦三弄寫驚湍

陳正仲謙提刑制勘南旱首過小樓既出新詩仍

惠手書十篇次韻二篇致感幸之意

癸亥四月

鏡將疑獄決春秋便願居鄉馬少游
犯斗海槎光斗野應星漢節照星樓
法書飛動鸞窺沼韻語清高鶴唳洲
田父鄰家爭借問頌耒重客有今不

早飛鷗鷺凜橫秋晚向山林
應倦游亭斷瑤壻方寸地身

居陶隱上層棲山園遙對青原寺江枻中分白鷺洲不值
熙朝人逐性果能獨樂此園不

陳正仲提刑趣還歲近正及郊禋索語贈別適小

圃芙蓉同海棠盛開笑令看白併成四韻癸亥九月十九日

繡衣持斧大江南人在春風和氣間草合園扉秋綠縹花

開環堵晚爛斑席前宣室趨嚴石樂奏端誠趣近班託取

臨分田愛景芙蓉色關海棠殷端誠殿在知壇側駕行禮畢動教坊樂過此受賀

月石屏蛾月研詩

予初歲歐陽文忠公月石屏近復得端研極發墨双

蛾在其泓而受墨處乃一圓月白暈周匝桂滿其中

似非蘇文忠公贈范氏涵星研所能及蓋奇物也賦

惡語呈諸作者

歐公命蘇公吟咏月石屏穎公與范子酬唱涵星泓西公

文字祥天界子墨卿嗟予何為者而得二美并屏也歐青

檀流傳到紫菴研兮此尤物秋月端正生盤擎丹桂枝環

繞白玉純如娥實天眼皎不自呈但留双蛾眉下鎮蟠

兔精我生月斯望真契非強名烏玳磨有光玄雲潤無声

湘廣前賢白遠聲令人驚焉

右直節亭唐王勃慈竹賦云宗生枝茂天長地久萬
抵羊盤千株競糾如世子之鈎帶似閨門之悌友又
喬琳賦云九族睦叔孝友威儀是竹女滋五服相殘
骨肉携離是竹必哀首自家而刑國亦竭類而增思
併錄以遺朱氏

登仕郎曾忠佐迎世王於樂氏世許新居成即歸
於是築第高沙極輪與世欲迂而逝乃虛中堂榜
之曰思求詩為賦四韻辛酉二月丁未

夏屋渠、斷未緣筍輿就養有成言南枝久歎新吹棘北

戶空芳草樹萱堂上只容曉像設寢中那復問寒暄朝思
夕念嗟何及鬢髮帶神游入夢魂

七月十四日江西美約周愚卿兄弟及許景陽相
過共觀鶴雛羽毛褐色因飲雙投新酒擘開中
新荔於白蓮池上遂成盛饋明日西美有詩走筆奉

和辛酉

起來汗浹似翻漿容帶清風夏早涼鶴子曳衣猶淺褐鵝
兒對酒已深黃白蓮近揖三千女丹荔遊招十八娘但把

槐忙付年少不妨老伴燕林塘杜審言宴公主山池詩云鹿麕銜妓席鶴子曳

童

衣

...

...

...

...

...

...

...

平園續豪第三

平園續豪卷第四

銘箴辨

銘

賀德章悅齋銘

出見紛華其悅在人學而時習其悅在心澹庵名之誠齋文之

子克甫銘之慶氏其承之

靜庵銘

不也曾君伯虞年未四十不踐場屋不入城市力教二子讀書

靜閣一室號靜庵因故人歐陽元鼎索予銘

語靜之至何加于坤闢則生物豈勞吾形人生而靜毋失其性
不出戶庭能定能應

吳氏忠正堂銘

忠則不欺正則不私一門弟兄三聖倚毗雖曰世篤亦惟天資
嗟爾後人念茲在茲

益壯齋銘

萬安歐陽豹變字文蔚年踰六十而決科之意未已名書

齋曰益壯請予銘之

伏櫪之驥心手掉鞅燎原者火宿則彌壯有勇若人併敵一向
少固銳於功名晚亦堅其好尚事竟成於有志剛大亨於無妄
然後知楚丘之未始衰而伏波之猶可將也

桂隱銘

徽猷閣直學士向君伯共紹興間歸老薌林龍圖閣學士

孫公仲益為作銘侈君賜君向公長孫文林即士虎濟美
克家可仕而止復於其中增植巖桂命曰桂隱力教六子
森然有立請予銘之

衆薌之林勿替以引肆其賢孫環桂而隱一椿未老六枝其芳
昔實今向清芬相望仕不于身心在厥子同升桂堂斯道如砥

愚谷銘

廬信小園賦云名為野人之家是謂愚公之谷今安福縣鄉貢進士劉洪伯深即舊居百餘步闢壤疏溪栽花種竹隨其景物為燕息之所異時萬卷齋群玉閣併徙以來總曰愚谷以慶元丁巳居焉予為銘云

惟古愚者其直近迂後人反之飾詐有餘日倚市門相利而趨暑汗其顏寒粟其膚狗苟蠅營得纒錙銖自以為智鄙哉小夫我嘉庾信其志則殊字曰子山蓋靜者歎谷以愚名言寓其廬四時花木十丈崎嶇數竿之竹盈寸之魚樂而賦之名實允乎之子欣慕亦新厥居有園有史可卷可舒有園有畦可植可蔬有丘有壑可涉可漁有琴有膠可彈可斲春花秋月夏簟冬爐惟適之安聊以自娛庾何人哉晞即其徒試叩斯谷愚智何如谷似應殼予也不愚

達齋銘

竹亭二齋左寘歐陽文忠公像叢公著述其間即公自名命之曰達而銘之公曰史其之

迂齋銘

竹亭二齋石賓司馬文正公像叢公著述其間即公自名
命之曰迂而銘之

為改正名或以為迂溫公曰叟孔之徒歟

坡谷齋銘

黼黻斯文網羅衆作既追先民亦詔後覺設其象萃其文為之
贊歲庚申

濂伊齋銘

道若大路達于誠明必欲深造莫如力行

香山樓銘

廬陵南四十里有香城山其名見唐皇甫持正所作寺碣

峻拔廣袤中一峯尤奇秀彥所謂文筆者胡氏世居其下

至忠簡公遂以直節修能名震當世歸即舊第築冠霞樓

坐致爽氣其孫程復為小樓於東求名於予命曰香山蓋

因持正之言寓白樂天高致為之銘曰

節彼香城屹然中峰是生秀傑惟忠簡公危言危行巖巖兩崇

有開闢孫復閣于宮瞻儀祖烈推本化工崧高降神申甫寶鐘

錦屏不磨英靈無窮咨爾胡氏永亢其宗

馮軫元方琴銘

雷氏斲之啟自開元馮氏寶之不知幾傳我非知音而理可言
心主于內手應乎弦故聲和可以仰馬意殺形之捕蟬豈特此
哉大而歌南風小則治單父舉不出於斯焉

箴

送綸丞郎臨川示以箴

莅官以勤持身以廉事上以敬接物以謙待人以恕責己以嚴
得衆以寬養知以恬戒謹以獨詢謀以僉箴規語女夙夜式瞻

吉州司戶廳緩齋箴

尹曹掌州帑廩或行獄訟事皇族公括字仲肅南宮廬

陵以緩名齋西清楊公首為之銘而前進士周某又為作

箴

蒙莊著書假緩戲儒吟求三年佩玦一夫寓言荒唐亡是子虛

孰如經傳衆說之郭薄征緩刑職分司徒議獄緩死卦畫中孚

秦二晉疾和與緩俱上醫命名得無意乎掾介諸曹盍反三隅

勿以朱博嫉齊之舒惧其奮鬚易服走趨當師謝安理髮自

豈為強禦不遲起君勇義果德抑難此拘能定能應匪亟匪徐

官皆有箴敢儆終初

辨

辨登第金花帖子

王扶押

王扶之孫題跋

祖宗朝進士用唐制禮部侍郎主文中選者以黃花牋小帖書其姓名主文花押已即持送之謂之榜帖得座主之科第者號為傳衣鉢端拱二年太宗皇帝三榜尚書宋公主文第二人登第遂以是科付吾祖集公實傳衣鉢士論榮之當時金花帖子藏於家踰九十年矣熙寧丙辰孟夏臨因閱家牒感泣久之既標軸叙其始末云存孫皇城使知鄜州軍州事上柱國太

原國子臨恭題

承協捧硯

右王扶登科榜帖以黃花牋為之故名金花帖子熙寧丙辰某孫臨記之矣後九十九年臨之孫奉議即義民出以示予乃隨其大小摹而藏之按皇宋登科記扶實端拱元年程宿榜第二人蓋太宗皇帝朝第六榜而臨云第三榜且作端拱二年當考淳熙甲午歲十月五日東里周某題

題盛京登科小錄

右盛京登科榜帖及小錄其家傳以百八十餘年裔孫寓常之

無錫貧不能守而同邑王馭左藏有之馭洪景盧妹夫也故今
歸景盧家初景伯丞相作 本朝登科自慶曆後始有小錄悉
書進士鄉貢貫前乎此惟咸平元年孫僅榜亦然正以嘗見咸
氏所藏耳是年遂注云時小錄用綾謂之金花帖子殊不知榜
帖偶黏於小錄之前本是兩事豈可直以小錄為金花帖子耶
既摹其本又列王臨所記于卷首使覽者無疑焉京蓋文肅公
度之弟其後仕宦至今不絕此錄多公卿題跋姑掇知名者數
人附于末淳熙丙午四月十四日周某題

景盧子錄洪景盧容齋續筆

唐進士登科有金花帖子相傳已久而世不多見予家藏咸
平元年孫僅牒盛京所得小錄猶用唐制以素綾為軸貼以
金花先列主司四人銜曰翰林學士給事中楊兵部郎中知
制誥李右司諫直史館梁祕書丞直史館朱皆押字 書四
人甲子年若干某月某日生祖諱某父諱某私忌某日然後
書狀元孫僅其所紀與今正同別用高四寸綾闊二寸書盛
京二字四主司花書于下粘于卷首其規範如此不知以何
年而廢也但此榜五十人自第一至十四人惟第九名劉燿
為河南人餘皆貫開封府其下又二十五人亦然不應都人

士中選若是之多疑亦外方人寄名託藉以為進取之便耳
四主司乃揚礪李若拙梁題朱台符皆只為同知舉

右洪景盧既得盛氏小錄又於容齋續筆十三卷中詳載其事
予謂當時所得金花帖子止謂高四寸濶二寸書登第人姓名
主司花押于下者與小錄自不相淺故盛京曾姪孫華亦自跋
云先伯祖登咸平第此金花帖及小錄用綾既日及則為二事
甚明予以王扶帖子併黏於前而辨景伯丞相之誤今申言之
嘉泰壬戌閏臘月戊辰某再題

平園續彙卷第五

周益文忠公集四十五

贊

東坡像李伯時作曾無疑藏之命予贊之

龍章鳳姿揮斥八極天心月脇照映萬物孟子之氣莊周之文
瞻之在前尚有典刑

徐徑教授求六一先生贊

我不識公而哀斯文稷言臯謨宋艷班薰四海所宗一鄉何有
瞻之在前矐若乎後

又求胡忠簡公贊

春秋尊王外攘夷狄幼學壯行終始惟一凜然英氣尚父是匹
揚之徂往可却回紇

宗室公衡真贊

信厚為質溫恭其儀視此標的盛哉本枝

自贊

趙山甫史君為所部七十七老叟記顏索贊

元亮無遠俗韻醉中強釋形人冥我青原臺上不勞半道歡迎
友長曾無疑示予真索贊

懶逐溪風偶度雲聊同江月戲分身誰知鄭驛多嘉客也看駘

它一惡人

劉氏兄弟寫予真求贊時年七十

骨相屯氣宇塵滿不盈矐不清視汝形省汝身無古心無時名
乃久生真幸民

梁光遠以序予真著丘壑中慶元乙卯四月十九日自

贊時年七十

野巖非汝肖山澤稱吾矐珍重高梁士深知謝幼輿

大和貢士陳誠之記予顏欲冥遠明樓昔白傳年七十

一寫真詩云鶴毳變綠髮鷄膚換朱顏予今年適同慶

元丙辰六月八日

魏樓必欲稱元龍須寫褒公與鄂公鶴毳鷄膚吾老矣祇宜菘
笠釣船中

慶元丁巳予與伯威歐陽兄德源葛兄三誦丙午齊年
會德源之子玠繪三壽圖求贊月日皆丙午也

三為衆一日壽糝糠前珠玉後非面朋乃益友松竹鶴同耐久
寧都宰傅子淵薦邑士危正記顏求贊予癸未夏過此
邑元祐名士孫志康志舉之姪名札字宣季年八十三
所居號延春谷而二十里間挑林寺有泉焉四月水生

八月即竭號過夏泉金精道觀七佛僧巖皆近境勝地
今三紀矣慶元戊午十月五日周某書時年七十三

無漢臣之功圖形凌烟無唐人之文寫真集賢昔假塗於虔化
今夢想其山川孫氏延春之谷桃林過夏之泉蔽虧金精之洞
坡陀七佛之巖豈無高人若隱士如我白髮與蒼顏雖未能往
從之游尚持此寘諸其間乎

南城吳氏記予七十三歲之顏

蟠木離竒病鶴摧頽以若形骸而小襟懷無才無能不競不猜
十日所視人焉度哉

聶倅周臣 寫真求贊

靖康樞臣 聶公之孫士友佐郡廬陵兩行州事邦人德之
代還臨川反記衰頽使之下語倒置甚矣題以以約後會
三年監州再攝州家真繪象爭借雷便當紫綬朝冕旒念我青
笠操漢舟携此鼠目而塵頭歸來高閣抱春秋他年持節尋舊
游却校形容知似不

紹興甲子予待試廬陵辭曹廳是秋失解後六年乃與
計偕考官七人今惟提刑少監趙公獨壽而康其子仲
肅來為掾即詩人堂之西闕小齋記予肄業之所寫真

求贊併題二首
未冠來隨舉子忙當時已似火林獐而今年貌那堪畫手種堂
前樹亦蒼

五十餘春一遠庄耕夫雖老未拋荒審言堂上新司戶子厚書
中顧十郎
高沙曾忠佐 良臣築思堂以念親傍闢書閣肖楊誠齋

及予象求贊
德行淵騫曾參冒遺蓋生也後其年可推遙遙華胄古今與稽
誠齋則賢我愧思齊

蜀儒先揚繪元素釋論語四科云孔子在陳年六十參少
四十六歲則是年方志學或侍父哲未必在行且舜大聖
二十孝聞參猶未及遽許終身可乎此非子游文學比也

游元齡登仕寫予真求贊

休誇歲以花相似莫歎年、貌不同閑伴長松與龜鶴免將開
落問東風

南城吳仲兄弟寫予真求贊

方丈蓬瀛早陪群英鳳掖鰲局中數、帝文晚侍、嚴宸福持

樞鈞若非精神滿腹則當容貌動人何歛頰而折頰弗走俗而

抗塵豈所謂相形不如論心見面不如聞名者耶

門容鄭安世寫壽星求贊

誰把江西一幸民強摹南極老人星穹龜鹿鶴朋三壽伴我松

根斲茯苓

趙倅彥璩寫予真求贊

靖康丙午大父倅吉州事而某生於吾門丁未戊午間先

對吾公奉使湖湘挈以歸者今七十五年而皇孫諸德輝由別

乘代還寫衰容命之贊

王父當年此治中嗟予鬢角未成童只今闔郡攀泥軾何事偏

圖鶴髮翁

英德郡守之綱記予衰頽戲題數語

使吾燕領虎頭法當萬里封侯宜自蜀而之廣繪象祠於西州
鈴閣雖非麟閣胡為畫此獼猴亦如杭人效穆仲獻笑於坡代
俳優耶

登仕郎張武來求一言因記衰頽就以勉之

德人之容如玉溫其參前倚衡以瞻以儀我愧於是將焉取斯
所貴者三歸有餘師

予乾道中嘗徐延平守閩憲皆當赴而改晚得富沙趣

行甚峻亦不果赴今邵人吳崑寫真求贊因以遺之

三度除書下七閩勒回深愧北山文勞君為寫山中相要與邦
人識使君

永豐監稅黃思義寫真於大椿之下戲題

鬢髮皤然八十春若為百倍比莊椿藉令十此如彭祖亦是鷄
窠九世人

張致仲寅寫真倚松而立戲贊

曾陪漢幄運前籌也忝分封萬戶畱未問家傳黃石法且來閑
伴赤松遊

陸務觀之友杜敬叔寫予真戲題四句它日持似務觀
一笑

四百官中識放翁四年上下日相從如今鶴伴山鷄舞羞對雲
間陸士龍

李卿月子西記予七十七歲之顏求贊以達時亦呈
太白天才馬後人有時佳句似陰鑑我無飯顆哦詩苦枉被渠

潮太瘦生

廣文赴官九江携予真索贊

曾為康廬十日番今猶化蝶夢江州憑君五老峰頭問員外容

添此老不

吉水贊府王觀時可為平園寫真口占小詩

皓首相逢涉四年君歸鄱水我螺川清風明月思元度試展丹

青即儼然

徐教授注寫予真求贊

雖非戚戚小人儒豈是堂堂大丈夫寫向廣文官舍裏魏冠為

我講唐虞

一甲子前與濟源李基儀之游從顛上今其壻謝幼學

傳示衰容為題四句

早同短李客南康晚識渠家玉潤即自笑頭顱并目睫依然如
鼠復如麈

山谷自贊云作夢中夢見身外福唐曾錫盛談西湖水
非水晶宮之勝因寫予真用此意題四句

大患都緣有此身笑看身外假為真夢中更作西湖夢誰謂先
生不到闕

予平生願學忠恕既以自勉亦告于人玉牒正則聞而
悅之歸作唯齋九萬里風斯在下矣寫衰容命之贊甲

子二月庚申

中心為忠如心為恕勉強行之道其殆庶苟憎駸茂之貌思而

廢一言於堂下音戶則所謂唯之與阿不能以寸而相去矣

教官福唐劉季新寫陋質導以羽客索贊還鄉福乃提

刑臺治僕嘗出使
陞辭而畱情見乎辭

帶山肩海都督全閩臨遣綉斧言輟其行夢想樂郊或動宵征
令威化鶴會遊遼城

本覺長老祖宏為老兄弟寫真求贊次七兄韻

幅中短褐鴈行秋不照青銅不倚樓今耄昔童無異性世間寒
暑任遷流

能仁監寺志超為予寫真求贊

前生坐下一高僧失脚中元自恣辰但記本來真面目何須悔
現宰官身覺身空時公為予寫真求贊

德回止入寫予真求贊
非律非禪自在身免丁不納沒公憑明知未是罷居士且可題
為破戒僧

贛州豐樂長老慧宣寫予真戲贊時年七十三
少年日醉鬱孤臺鼎立三禪屢往來豪氣雖存誰復識形容變
盡鬢皚皚

青原祖燈寺監屢問予久不入山寫真戲題

欲作青原掛搭僧傳聞米價逐時增繞腰三篋非難事空腹何
能念葛藤

予久欲遊仰山而未暇行者智印寫真索贊

家居只在仰山傍自笑癡蠅凍守窓也解分千百億從來一月

印千江

安福縣岳興院僧希琦求予真贊

僧坊何事俗塵同索我精神阿堵中有相要知皆是妄發真那
更墮虛空

覺報長老道誰謔寫予兄弟真求贊次七兄韻

身凡心聖古盧能未着袈裟已是僧冷煖自知師莫問但者老

色幾分增 龍堂院宗慙寫真求贊次七兄韻

將相尋整復經丘漱石何妨更枕流得法龍湏隨七祖休官即

將繼牛頭 予年十四五侍子中兄讀書贛州壽量寺久之寺為寇

燔其後子中出守一新之今小兒綸又將佐它日當訪

舊游因主僧慈濟寫真題贊

志學經今六十年招提仍對舊山川令威化鶴重來日項似初

顏雪被肩 隆興癸未夏余年三十八自掖垣奉祠歸道遊麻姑山

今又三十八年而知觀李惟賓緣化修造至廬陵寫予

真求贊

古觀今猶換采椽壯游我合變華顛方平再過憑相報欲往從

之問海田 福壽院僧淨臯寫予及予中兄真求贊次子中韻

弟兄本自讀儒書晚外形骸付六如摩詰文殊俱黠黠從教似

同益文公集卷五

同益文公集卷五

同益文公集卷五

同益文公集卷五

我與非吾

堵坡知庄僧德永寫予真求贊

昔方三五少年便作何婆心切今以八十老翁却學小兒口說
何如不言不語莫問是同是別只願年豐飽喫飯肚皮解了三
條箋

祥符長老智華寫予真求贊

五蘊皆空四大和合昔者逢場東塗西抹今茲面壁有問無答
似耶非耶任師指撥

法華院僧祖月寫予真戲贊

老子七十七到處遮人壁住世便十年化身千百億

真求贊

四海彌天兩誕夸人三為衆轉周遮明知諸相皆虛妄弄假為

真有甚已

天慶知觀蕭惟清寫予真求贊

塵滿形容雪滿頭分無仙骨到羸州希夷更倩傍人看曾急流
中勇退不

使臣俞允迪赴萍實稅官寫平園老叟真求贊

往來四度過萍鄉斗實誰能辨有亡爾欲常常如對我莫增酒

課周征商
予列文苑
英華千卷
頗費心力
使臣王思恭
書寫校正
中書用功甚勤
因傳予神戲
為作贊

倚對而吟
據槁梧
自憐爾雅
注蟲魚
汝曹更作書
中蟲不愧鷗

鵬海運歟

真首其使臣
李汝發寫平園真求贊

人皆炎熱之畏
我愛夏日之長
耳百尺之松風
挹雙沼之荷香
髮固知其種種
容何事乎堂堂
當從遊於晉侯
兔形似於六郎

直省官李端義求平園真贊

形若性皆天
與嘗用汝不為虎
非詩苦瘦如許
以貌取失子羽

廬陵道士羅尚逸能醫眼善變自湘中歸寫予真求贊

復游湘中

黃冠多執役
倪仙處士圍棋伴
樂天我不即師師
即我胡為數

我泛湘船

青原知藏僧法源寫真求贊

精不搖神不驕
鬢任禿顏任凋
人擾擾而膠膠
而窸窸而寥寥
知壺子其誰何
異漢父之堪描
往壁觀以默照
兔室邇而人遙

金牛老德鎧寫平園真求贊

經傳白馬寺瞰金牛祖意西來江水東流何有於我色見音水
千帆任過長對沙州

使臣周允寫平園老叟真於松竹龜鶴間戲贊嘉泰辛

酉正月乙亥時年七十六

松可以傲霜雪竹可以延風月龜巢葉而養氣鶴鳴臯而戢翼

冥閑身於四物聊竊名於五一

使臣宋千齡寫平園老叟真於松竹之間從以鹿鶴龜

求贊

向來結綬事華勛老去抽簪愛水雲但得松筠無易葉何妨鳥

獸與同群

提膳官鍾勲及其子可久寫平園真睨蟾倚桂為生日

壽

元豐壬戌中元之夕仇池飛僊浩歌赤壁今兩甲子明月猶昔

嘉爾父子記我顏色丹桂婆娑銀蟾皎潔願言冰輪常圓罔缺

平園續集卷第五

武豐子必... 武豐子必... 武豐子必...

武豐子必... 武豐子必... 武豐子必...

平園續彙卷第六
周益文忠公集四十六

題跋一

題山谷和郭內翰長篇

郭公諱知章字明叔吉州龍泉人 哲宗為臺諫從官 徽

宗朝歷刑部尚書翰林學士師太原尹開封國史有傳予少時

見友之羅良弼云郭明叔乃薄陶淵明心頗疑之後得公文集

見元豐間宰分寧贈黃太史長歌其末云功名時來亦自然跨

風絕海非為難肯學陶潛歸去來虛名浪得傳人寰然後知其

壯年志在功名屈臨一邑不忍學淵明棄印綬而去庶幾善學

柳下惠者耶太史此詩即當時和篇亦知其銳意從仕故縱史之尋果用鄭雍顧臨薦擢為御史豸冠言路之句驗矣

題六一先生手書後

右熙寧間文忠公與趙彥若元考帖江端友跋云先祖非戲言蓋往時風法華至人家見筆便書初無倫理公友江隣幾舍人亦以見筆輒書戲比風僧此說載公文集試筆門端友即隣幾孫也慶元五年二月癸未周某題

題祖妣秦國潘夫人書

右靖國元年辛巳祖妣秦國潘夫人從祖父初任忻州司法時與鄭州叔祖母姚氏書夫人富文忠公彌甥其云奉文乃運使金紫及奉使太師小字後批三管散一行金紫年十四代寫嘗記祖母張秦國道祖父之言舊小吏事上官極恭太守礼上法

曹與它掾窄裏捧按此書亦云日起五更每日兩衙極邊小壘事体尚爾况藩府乎今儀門外雖有州縣官於此下馬牌然皆肩輿直造客位初到畧展衙禮遠不過三日近則是日亟免併記此以示後人嘉泰三年十月旦立石

跋劉賓之浩然集

故人李盛祖文立學能文辭然猶介少許可嘗著章貢志即有

大家事實當書而丐婉其詞者正色拒之坐是獲然謗弗恤也
獨為門人劉君昨作沉刻極道其孝於事親與人交重氣槩不
幸嗇於壽一子江童州寢然期有以立已而遂與計偕念君之
不及見也哀平生所為古律詩五十篇求工部尚書謝公昌國
序而傳之觀此可以知吾祖文非諛墓者矣紹熙甲寅十月甲
辰

題曾伯震所得子中兄二絕

子中兄自數歲已能詩稍長凡古人篇章無不窮極根源採擷
菁華中年以後深味禪悅雖遇興間有賦詠要非所好也三十
年前嘗以一二寄余今詩人陸務觀一見謂句法入律無愧古
人識者以為知言曾君伯震得此二句絕可以自信不疑坐進
此道矣慶元乙卯二月十二日

跋六一先生跋杜濟神道碑

右六一先生跋唐杜濟神道碑蓋集古第四百五卷也今吉水
縣鄉貢進士曾三異有此碑而未残缺其文可讀得非嘉祐以
前舊本歟慶元丙辰正月癸卯周某為皇諸孫彥法題

跋獨孤延壽碑

唐初歐虞褚薛皆以書名此碑精勁可愛不知出于誰手趙明

誠金石錄列之第五百九十五謂無書撰人姓名今其前乃題于志寧製文又謂君諱某字延壽名残缺不可辨今熟視之名左後言右亦髣髴可尋至於隋唐間人多以字行則歐陽文忠公跋顏勤禮神道碑論之矣友人曾無愧持此相示為題其後慶元丙辰正月癸卯平園老叟周某題

跋張忠獻公荅宋待制手書

右張忠獻公紹興九年秋起鎮長樂荅徽猷閣待制宋公景晉手書一幅不過數十字而公私曲折故舊情意備焉宋公曾孫文成謀刻之石初李伯紀為靖康執政景晉以侍從充發運使

徽宗南華時皆有調護歸京闕之勞其後伯紀帥洪宋為寓

公此其所以眷眷也慶元乙卯十一月三日周某題

題張右丞如瑩奏疏

澹崑張公以文章才略被遇高宗越即位之三年自獨坐拜

尚書右丞適值苗劉反逆豫政兩月而去平生奏議號為通達國體當紹興五年春虜兵初遁高宗用趙忠簡公奏詔前宰執條具善後之計公上疏五六千言援古證今事事皆有畫向使久在政地盡行其言何患不為名宰惜哉慶元乙卯十一月二十一日前進士周某題

又題范覺民與諸人唱和詩

耿伯順韓子蒼范元長李西美李德升謝任伯宣和以來文人
才士也高平公或同侍從於靖康之朝或嘗引類於南渡之後
觀此詩輔唱妍翦麗三歎而有遺音美慶元元年十月二十八
日前進士周某題

高宗御批陳思恭奏劄跋

建炎己酉七月高宗幸金陵平寇前將軍范瓊跋扈伏誅瓊
為河北制置使時王彥聚兵太行黥其面曰誓殺金賊不負

趙王號八字軍瓊嘗統之至是彥為御營使司統制詔以此軍
歸彥又分瓊餘兵四千七百人付神武軍統制陳思恭思恭本
韓世忠部曲是春苗劉反自平江從世忠勤王有勞既得瓊兵
遂乞衣甲御批依奏下有御押歲久紙敝臣偶得之亟加

池飾嘉泰甲子正月丙寅前史官周某謹記

淳熙戊申國書跋

淳熙十五年十一月五日丙申遣中書舍人鄭僑及武臣張時
修充金國賀正使副明年正月二日葛王殂僑等不能成禮而
回二月二日壬戌適值光宗受禪九日己巳僑等入見上
深惡之令將元國書徑納丞相收不必再奏禮物等國信所自

令發付所屬亦不敢奏時從官尚謂不開陳依常例使副轉官

嘉二甲子重陽日嘉二甲子重陽日

光宗御書跋光宗御書跋

乾道壬辰春辰佐春官兼直翰苑坐不草新除兩簽樞答詔以

外同罷光宗在儲極數對宮僚惜臣去淳熙乙未召還孝

宗簡注方厚自兵部侍郎選兼端月光宗實贊之陪侍六年

凡御製御書或面賜或簽名封送真行繫然寶藏多矣逮戊

申歲獨在揆路孝宗將內禪屢令番身討論曲禮初議已酉

春北使出門即擇日傳授偶聞太史局言二月旦太陽蝕九分

臣密奏云太子聽政揆旬不應便講避殿之禮可少展否

孝宗大以為然曰朕亦可以當災遂定上旬壬戌吉因奏太

子生於丁卯是日天地德合猶陛下生於丁未而壬午歲受禪

也退不敢以語人至正月末春坊姜特立相過云宮中人人知

上元後舉典禮今稍然何也但遜謝云此非外廷敢與聞特立

不悅而退意間言或自此入輔初政之三月內外交相睥睨遂

請罷政紹熙庚戌起鎮鄉部避言官懇免明年三省擬鄭僑帥

長沙光宗曰周某某前宰相合先除授乃知天心念舊非俄

而可度甲寅巽位後數月臣亦謝事君臣契合固豈偶然此

敬哀高宗孝宗御書一二大者刻石附以光宗翰墨各
為之跋恭念紹興庚辰孝宗封真王三皇子共置小學校授
一員專差館職選校書郎王十朋充頃之十朋輪對力攻楊存
中又在王邸議賓主禮異同十二月壬子遷小署解兼職從
越之宗丞而去館職多闕臣任正字為之首宰執不欲自下越
進它人特降聖旨云今後王府小學教授闕館職學官通差殆
為臣設明用遂用國子博士劉藻丙辰擢藻祠部郎官當解教
授而不解新制墨未乾也是則光宗就傳臣不得一至講
堂詎知六年居詹者乎敬書以示子孫使知彼遇下三朝本末
如此為臣不易雖幸免於大戾歸美報上老矣無能為也抑

詩有之倬彼雲漢為章于天言天子為法于天下也又曰追琢
其章金玉其相言萬民觀而樂之也臣之志願不在茲乎嘉泰
四年二月旦

自題為真

此淳熙庚子余記顏也時年五十有五觀者以為酷似七兄贊
之今十五年矣髮白面皺殆如他人所謂君顏老可憎特未知
常河性依然否如人飲水冷暖自知紹熙甲寅十二月十日子

充題

題薛元亮老杜醉歸圖詩後

薛元亮名公家臨川佳士紹興間從許子禮李西美諸公游此詩乃其鄉人梁世昌名光遠錄以相示慶元丙辰六月八日某題

題蔡君謨飛草帖

慶元己未仲冬餘干徐君來赴安福宰携此相示謂是君謨真蹟叅以後帖又似它人作不能定也因命筆吏臨本真秀巖堂平園老叟周某記

題唐人臨王子敬帖

王子敬異聞帖杜氏所藏云其祖正獻公併蕭楚公華陽帖得於蕭氏之裔孫相傳是唐人臨本或者楚公所臨耶

題吳說書

此詩乃吳說傳朋書而劉季高用名字及杼山三印意其愛而蓄之爾嘉泰二年八月二十四日平園老叟周某題

題蕭楚公帖

蕭楚公自負高節未嘗以書名而字畫亦甚可觀蓋唐世風俗其雅尚如此嗚呼士大夫風俗根本其所當免者何獨此一藝哉

跋王獻之保母壙志

右嘉泰癸亥越人掘地得古碑乃晉興寧三年乙丑歲王獻之保母李意如壙志也云善為文能草書王謝奴婢定小異耳又有小硯背刻王獻之永和五字二者已致行都別鐫此本四明樓尚書鑄摹以相示字畫固妙其辭則有望於八百餘年後守官之人自興寧距今八百三十餘年預知如此蓋當時卜地如郭璞輩固不乏也五月二十八日記

外蘭月題米禮部參星賦真蹟本

右米禮部參星賦筠州集本以為首篇其間意同辭異者多具列如上今祕閣有石刻字畫稍大此卷收欽豪逸秀傑痛決尤可愛重紙背題詩一聯不敢漫也嘉泰癸亥秋池州故人文思提轄葉楠之子之真自所居鐵圍山附逸壽予其意厚矣乃標軸而識之七月望日平園老叟周某題

題孫氏四皓圖

嘉泰癸亥池州故人子葉之真既以來元章參星賦真蹟為予壽又寄漢四皓像絹僅盈尺前有印文云孫汝節筆而之真以為孫顯節不知何時人蓋名畫也上有蘓文忠贊元祐三年二月楊次公書東坡諸集皆無之因記乾道庚寅閏二月過京口

遊金山妙高其壁間有東坡族姪成都中和院僧表祥繪公像
公自贊云自若新生之犢心如不擊之舟要問平生功業黃州
惠州崖州其為暮年所作無疑諸集亦不收乃知平生游戲翰
墨散落何限如去黃日戲贈李琪詩偶見於李遠春渚紀聞之
類是也八月壬戌平園老叟周某書

雜題跋

右夏侯泰初樂毅論以世傳兩石本校正與史記本注時時異
同歐陽文忠公引文選所載今無之不可曉也嘉泰甲子三月
乙亥周某記

雜題跋

跋業侯遺事奏稟

右吏部郎新安朱公喬年家藏王荆公進鄴侯遺事奏稟一通
與集中所載增損不同未知孰為定本公之子元晦為某言先
君子少喜學荆公書多儲真蹟惟此紙有跨越古今開闔宇宙
之氣將屬江西常平使者汪季路刻石臨川仍抄日錄奏對涼
傳本語附其後幸為我識之某亦竊恠字文黑獺獮綽能以區
區西魏置府兵強其國及熙寧全盛之時欲創上番義勇則反
以為疑獨何歟蓋東西魏之分孝文立都關中僅有隴右河西

之地風俗尚武兵農未判用新造之偏方行一切之號令故為
力也易今以百年無事萬里之中國一旦將復古制兵重於汰
農重於括而欲詢謀僉同革習俗之已安故為力也難昔者堯
舜三代雖曰明道制衆然美成在久立政造事亦非一時所能
備彼西魏享國不長降周沈隋濟以唐太宗之英明方覲成効
剏公因聖語而謂其施有漸蓋知此矣厥後謝昭文表復云苟
貪歲月趣就有所消埃是又知時難得而易失耶故詳論之使後
之君子得以考焉紹熙五年二月

跋汪聖錫與武義宰趙醇手書

玉山汪公名重天下人得尺牘榮之今觀此帖則於舊僚趙令
傾倒至矣其人亦可推也公中年嘗吾日疾頗憚親染虞丞相
雅善公公帥蜀時因占吏答書遂稍相失公為予言如此其後
數與予通問皆季路代作當時翰墨已難得况今日乎况後世
乎紹熙五年四月旦周某題

跋東坡桂酒頌

東坡自海南歸文章翰墨所謂毫髮無遺恨波瀾獨老成者桂
酒頌其一也今閩浙川本皆以心服為心腹御瘴為御瘴輔安
五藏為五神殆随手有所改定耶紹熙五年四月五日故人徐

思叔赴曲江幕官携以相示敬題其後它日或呈似韓史君刻
石寘九成臺銘之側亦奇事也周某子亮甫

東坡自跋德化縣陳氏義門碑

胡周父史筆文華著聲三朝義門碑甚有古風中經兵火得

賢宰相呂仁甫表而出之又可傳遠予恐拓本頗艱為刻板付

陳氏裔孫兼善使携以歸凡族人皆當遺之一本惟其有之是

以似之尚其勉旃高山仰止景行行止予亦庶幾焉銘以居官

為若官寔後來碑誤紹熙五年五月十七日

汪山玉題吉州司戶趙彥法所藏山谷帖

紹聖元年甲戌夏山谷得郡武昌未赴坐蔡卞奏乞疏問前修

神錄詆誣事改授亳祠即開封府界供卷七月至陳留寓東寺

之淨土院院有深明閣書此二詩贈表姪李繩武翰墨燁然照

人時年五十是臘貶黔州後一百年當紹熙五年甲寅八月旦

周某敬觀

日道心題汪季路所藏書畫四軸

右汪季路所藏歐陽文忠公在政府與蔡忠惠公兩帖其一蔡

公親題十字蓋嘉祐八年八月自翰林學士右諫議權三司轉

給事中正除三司使時也其一稱端明侍郎則後二年當治平

乙巳二月解三司除端明殿學士轉禮部侍郎出守杭州時也
李歇乃尚書都省令史見文忠公祭石曼卿文殆亦忠惠故吏
耶後人但謂二帖有遣歇往復之語後又適題二十六二十九
日遂以為先後之序宜正之紹熙五年九月旦周某書

右高學士家樂毅論歐陽文忠公集古錄跋云碑石燬於回祿
而尤延之謂無錫徐氏蓄此碑殘缺已甚得非後人摹刻者耶
乾道己丑同年史志道又以文所藏刻之金陵失真愈多茲乃
天錫楊氏舊物近世士大夫家絕而僅有也紹熙五年九月旦

周某書

蔡忠惠公大字端重沈著宜為一本朝法書第一紹熙五年九

月十二日

吳畫在唐已有絕妙動宮牆之稱况數百年後乎或謂縑帛久
則飛揚須良匠乃能補葺今赫蹏如新何也然滄浪東坡翰墨
在前後來名勝跋語盈軸可謂珍玩矣

跋何居仁自作墓志

改修職即臨江何安宅字居仁長予十六歲紹興辛未同上南
宮是春朝廷待陳公景明使還知舉試期特緩四方舉子知秦
丞相以言語罪人會於逆旅不敢及時事獨居仁學廣聞多泛

論古今來聽者惟恐後如司馬長卿之傾坐也已而高談闊論
頗為鄉校之議其去者亦惟恐後又如列侯陳尊之驚坐也今
四十有四年追思如昨日事適其子鄉貢進士挺出示居仁自
作墓文太息書其後紹熙甲寅閏十月

題宜春李椿詩卷

始余自湖南歸江西以紹熙甲寅正月三日過宜春得郡人李
椿永年詩書各一通知其種學績文非一日也屬客衆且示亟
行不及款冬十一月十有三日李君復畫寫詠古詩三百篇携
以相訪蓋平時玩味經史遇古人窮達利害成敗得失有會於
心者各為數韻以紀之議論折衷往往出人意表彼胡曾絕句
未足道也求余言識其後老諄荒廢莫能措辭回思少年間有
是作姑錄壹貳為荅夫投我以驪珠報君以魚目貴賤固殊矣
稠載而往垂橐而歸得無為鄉人所笑乎

題李玠叔詩文

李公諱孝先字玠叔元祐元年賀范忠宣入西府啟草如右又
嘗有詩題餘干縣干越亭云吳越相干地要衝對亭危岸勢憑
空春潭倒影黃昏月古木喧聲白晝風鷗鷺慣來窺燕席烟雲
無著護簾櫳淒涼故國多遷變獨有溪山在望中誦此詩觀此

啟則公文行宜為忠宣所知惜乎忠宣大用之明年公遽謝也
又明年而忠宣遂相不引及類當時惜之雖熙豐積書取後世
將昌豈必在其身耶虞部乃元豐以前官稱至元祐則當易朝
奉即因其元孫奉新宰兼遠示遺墨為詳記之慶元乙卯二月
五日周某子充

題陳誠之遠明樓記

陳君誠之示遠明樓記而請曰宜秋春山谷誠齋已各言之起
居飲食與四時之景接賢兄之論則然丐公補其說予曰夏宜
急雨有瀑布殷冬宜密雪有碎玉殷如此則四時備矣誠之曰
樓覆以瓦似非所宜予曰六月捲簾森映山之銀竹同雲垂野
從玉帝以萬妃憑欄送日宜乎不宜誠之謝曰宜哉慶元乙卯
三月十二日

跋百醉老人趙士瞰詩卷

味百醉之名誦三篇之詩公蓋師友陶靖節者晁景迂乃謂得
句法於江西殆由禁錮初開詩社勃興人以著錄為寵故一時
之言如此若李雲龕陳簡齋汪龍溪跋語則不易之論也慶元

乙卯四月十六日

題劉昌詩母墓誌

唐人欲銘其先世必得韓雲卿之文李陽冰之篆擇木八分書
乃稱巨服今清江劉君昌詩有母賢其沒也鄉人徐思叔為誌
謝昌國題額而趙從善書之蓋庶幾焉慶元乙卯六月八日周
某題於西山山陰縣開書此與人以資其志
和百題題謝昌國與朱陸書蓋刊又因鼓時朱景宗之已時
尚書謝昌國稱嚴陵朱君陞公簾勤敏元樞黃德潤從而實之
蓋嘗任左藏西庫監官上戊申 大禮會計冊知諸路郊祀之
貢區處得宜入可支出且有贏焉其居官不苟類此秩滿格當
擢用以未晚選階一轉而為撫州宜黃宰尚有可諉曰大邑也
今再轉乃為英之滄光是特瘴鄉三家村耳何其愈下邪君曰
某歷十二考為王官為壯縣尚闕職司之章良由中朝近地英
俊所聚無以取知於人故欲求諸遠爾予曰雖處囊則鋒必露
鶴群鷄則索易知通籍審官其在此行乎克子之公庶勤敏可
也慶元乙卯六月十日周某題

跋蕭唐叟時庵記

蕭君唐叟嘗示予易說矣今復以時名庵而求宜春歐陽永年
為之記謝公昌國楊公廷秀為之跋而丐予一言夫艮止也其
象乃日時止則止時行則行君既有得於此子固無以伸其喙

雖然剛柔者立本者也所以况卦總主一時之事也變通者趣時者也所以况爻就一時之中而趣其所宜之時為是道也豈特艮而已自乾至未濟諸卦皆然夫惟君子而時中然後動靜不失其時其道光明君其勉之慶元乙卯六月十八日周某題

題顏曾公書撰杜濟神道碑

右顏曾公書撰杜濟神道碑沉著端重真可入木八分友入曾三異無疑寶藏之按六一先生集古跋謂殘缺不能成文今乃燦然可讀得非摹拓有先後耶濟蓋魯公友婿故又誌其墓六一先生亦有跋云顏撰而不云書然筆法非魯公不能為世頗

以為非顏書更俟識者辨之今考魯公文集大抵碑詳而誌畧亦微有異同如碑以濟祖任明堂丞誌則云令碑以濟為惠第二子誌作第三又碑與誌並歷渭南宰而文集於碑中乃以為尉皆傳寫之誤當以此碑為正慶元乙卯六月二十日周某書

跋金給事彥亨文彙

某幼學之年已聞黔歛金公彥亨為名御史論擊權彊無所避紹興戊午春以母憂去朝服闋秦丞相抑而弗用凡二十年當已卯歲高宗以宗正少卿召還歷禮部侍郎給事中壬午六月壽皇初即位眷待良厚是秋某以起居郎兼中書舍人同

在後者見公直諒多聞年高而德邵每與從官歎其不可及吏部徐侍郎度為因其言政和宣和後生少讀史一日沈狀元晦以博學至京師東南士子翕然宗之來者滿門聞舉古事莫不竦聽惟公在下坐數搖其首鄉人問故則云某事誤矣某事非也退而考按信然蓋公於史傳皆能熟記叩之往往成誦迄今不以史書自隨其學問可知矣此某聞而知之者也若夫事上不欺聞義則徙某其所親見又有可紀者宜表而出之九月己未某兼西掖之二日有旨婉容翟氏進封本位官吏並合推恩內殿止法人特與轉行即今壽成皇太后也時給合例同銜繳駁某密語公妃嬪位非中官即醫流皆殿止法前德壽推江上扈從賞今上覃恩並不轉行止令回授似當論奏公歎曰君言是也近夏賢妃位推恩其實未曉已書讀行下今恐相戾君自繳奏可也某曰若爾尚可商量庚申講筵公與其偶皆以職事先後畱身初不知公奏何事某侍班廷下望見公再拜殿上公退而某升甫至榻前上迎勞云朕初止謂卿能文通金安節說卿欲論婉容位轉行殿止法事不謂卿剛方如此便進文字來方悟公自引前事以為失也章既上御批十三字云依奏夏妃位官吏亦令依條回授後三十四年公之孫承

直即鑄錢司檢踏官箴示公文彙二篇求予一言因題其後非
獨著公盛德補家傳之闕亦以彰壽皇從諫如轉圜它日史
氏或有考焉至於文辭典雅如其為人識者自知何待贊也慶

元元年九月某日具位周某謹書

心燭事未列晉書

吳昌伯備述西

日具言是

或士學

難通其

平園續稿卷第七

周益文忠公集四十七

書題跋二

題楊謹仲芍藥詩後

淳熙中予奉祠廬陵三月十七日會同年楊謹仲周孟覺賞芍

藥櫻苑謹仲有詩予次韻云清晨自掃落花廳小甕親蕩竹葉

青簪盍莫辭過陋巷臚傳相與記彤庭階翻黃葉曾重見勅賜

朱櫻亦屢經老去飄零無此夢詩來吟詠有餘馨今二十有三

年二公墓木已拱因彭君仲成謹仲帖相過且索舊詩為之悵

然此花最盛於太和而以紅都勝黃樓子為冠如牡丹之姚魏

也黃樓遂得之都勝者邑中惟一二家有種惜不與人去年予
荅鄉貢進士陳恂二小詩云芍藥名先記鄭風那因加木辯雌
雄黃後出今王矣合把黃樓列上公六一先生舊帥楊分寧太
史見西昌只緣未識紅都勝如杜詩中闕海棠蓋許元寄歐陽
公詩云芍藥瓊花應有根維楊新什獨無名公荅云偶不題詩
便恐人山谷宰太和時篇詠甚多未嘗及此花今謹仲帖云花
出然語與古事相類併錄惡語於後慶元丙辰正月戊申周某
書

平園齋跋胡忠簡公和王行簡詩

予嘗評胡忠簡公詩有不可及者三用事博而精下語豪而華
一也士子投獻必用韻鼎荅雖百韻亦然蓋愈多而愈工二也
此篇和王君行簡時年七十五長歌小楷與四五十人無異三
也行簡世家臨川志大而瞻於文久從公遊其人亦可知矣慶
元丙辰四月七日

跋王民瞻送胡邦衡南遷詩
有澹庵壓松依排淮泗之舉然後可以發盧溪穿天心透月脅
之詩不如是不稱二絕澹庵授之從弟廉夫鶚廉夫復授其子
渙所謂文獻相承衣鉢單傳者若能刻石人授一本則法周沙

界矣慶元丙辰四月十四日

跋張仲宗送胡邦衡詞

長樂張元幹字仲宗在政和宣和間已有樂府數今傳於世號蘆川集凡百六十篇而以賀新郎二篇為首其前遺李伯紀丞相其後即此詞送客貶新州而以賀新為題其意若曰失位不足予得名為可賀也慶元丙辰五月十三日題

跋歐陽文忠公誨學帖

歐陽文忠公年二十有三以玉不琢不成器賦魁國子監其後十年而次子奕生奕字仲純胡文恭壻性倜儻文章豪放尤

長於詩多至三百篇公以其質美故書此以勵其學惜乎得年纔三十四位不及顯熙熙寧末鄭俠得罪凡通問者皆獲譴仲純獨傾貲送之其大節如此可謂不墜先訓非學力乎帖已刻而真蹟今藏郡人胡祇家祇字仲本佳士慶元丙辰六月庚戌

跋胡忠簡公論和議稟

紹興戊午胡忠簡公年三十有七以樞密院編修官上書論和議此其稟也時長子方生未幾南遷公知後禍巨則惟從姪昌齡字長彥賢而可託故以稟屬之今五十餘年矣昔顏魯公與魚朝恩論坐位帖稟摹本已數百載人爭傳寶公之所論豈止

位而其心畫端勁實法魯公自當並傳於百世慶元丙辰六月
題羅熉詩彙

友人永豐羅永年長子熉天才雋敏而苦於學遂墮生予讀
其詩彙而悲之永年求予一言昔人謂詩能窮人或謂非止窮
人有時而殺人蓋雕琢肝腸已乖衛生之術朝筭萬象亦豈造
物之所樂乎唐李賀本朝邢居實之不壽殆以此也今於羅氏
子猶言慶元丙辰八月六日平園老叟周某書

題謝昌國式華堂記

淳熙甲辰今三太皇太后慶七十於德壽宮推恩四海廬陵

進士歐陽鉞字仲授以高年賜初品官其子頌取詞式華其老
之言揭名于堂工部謝尚書諤實為之記歲星一周當慶元丙
辰十月三日今皇帝奉上壽聖隆慈備福光佑太皇太后
冊寶於慈福宮聖筭八十有二矣於萬斯年慶典未央鉞也
又將拜增秩之寵載新斯堂以延賓客其有日矣是月壬戌平
園老叟周某書

題廬山西林道場碑

右隋廬山西林道場碑文歐陽率更撰而不云何人書要當出
於一手昔唐常絢錄劉禹錫嘉話載率更行見率靖所書碑下

馬布透坐觀三宿而後去又云率更不擇紙筆皆能如志惟其好古如前說之勤是以肆筆無不臻妙理當然矣三門銘逸姓名亦元和名筆也慶元丙辰十一月己卯平園老叟周某題

國朝老叟跋老泉所作楊少卿墓文

同年臨江楊謹仲諱愿往為廬陵郡博士嘗為予言乃祖中大夫諱申京師從老泉蘓公明允乞曾祖光祿少卿諱克從墓文又得玉廣淵書冊時君卿篆額今有石本番先塋頗恨未之見也謹仲下世之十三年其長孫光祖始軸以求跋予生晚不知大夫何如人照碑成於嘉佑七年秋而列於英宗治平之初元

是時三蘓名震京師廣淵直集賢院為群牧司三判官君卿自潘邸以藝文被幸由奉禮郎換內殿承制三人雖不同同為當世所貴非中大夫好學而篤志則其文其書豈易得哉韓退之謂唐人欲銘其先必得三服予謂楊氏此碑非三難乎厥後謹仲既以學行為鄉先生今諸孫又表而出之不隕其業二十一

日

跋陳剛中石林廟詩

陳剛中字彥柔胡忠簡公同年進士其貶安遠宰也予適在贛識之豐肌便腹骨不勝肉而安遠荒僻瘴癘特甚汲水寘器中

平園集卷之七
唐文忠公集卷之七
五
須更墨色以故仕者多死士大夫固憂公不能生還未幾果然
其後湘中有著紹興正論者公姓名在焉且云其妻無所歸削
髮為尼未知信否謂公以辛酉歲貶則誤矣當以庚申為正

題胡邦衡侍郎撰胡從周寺丞誌文

金昆玉友無復二雞鳴筆環詞有華三絕繡篋中之遺蹟附掌
上之豐碑鮮白墮之潮倏焉隔世圓未壞之夢恍若平生偉詩
禮之傳芳森兒孫其競爽尚龍藏於手澤其光紹於寶章

南唐吉水縣鄉貢進士周洪誼牒訴七幅考之史氏五代僭偽

諸國獨江南文物為盛然每歲科舉取人甚少用上書言事并

官惟廣順二年始命江文蔚知貢舉故進士廬陵王克正等三
人而舉子止雖舉子以少為貴然鄉坊保甲父子難乎俱免累

政縣判如此蓋優之也家傳二百四十年八世孫洽來求跋語

按周顥德伍年歲在戊午即李璟保大之十六年方改元交泰
而世宗盡取淮甸畫江為界上下震懼謀徙豫章已而削去帝
號奉周正朔故第二幅稱顥德六年越明年庚申太祖皇

帝受禪辛酉璟南徙而殂煜嗣位於金陵十三年歲在甲戌

王師弒伐明年乙亥國除士民始避本朝廟諱其名上一字

復犯御名故前牒皆名弘義最後一牒乃改洪誼實開寶九年之十一月至十二月則改元太平興國矣先是公私狀式例以牒件謹牒為文元豐四年十一月詳定官制所重頒新式此其所以異於今也洽字季宏不隕世業豈但遺跡是藏固將起家以大其門老夫雖耄尚或見之慶元丁巳冬至日

題浮雲居士曾達

臣雜志後

姓名書曾氏望廬陵本朝大江以南清源南豐兩族皆出宰執侍從嘗通譜系其後贛之雩都則叔夏尚書天猷吉甫侍郎兄弟繼為禁路之英惟廬陵一族文獻相承登科無慮數十人

而未及三郡之顯今浮雲居士達臣有博古通今之學偶遺科舉有知機應變之才不白於功名緒餘著書追迹前輩向使盡發胃中之所蘊其成就宜如何哉是生諸子才學俱茂或仕於小官式貢名天府而仲氏無遺策茅大常典中祕書為尚書郎群從孜孜為善方競爽迭興而未艾視前三家何患不及特時有先後爾况猶子無玷嘗以奉使朔方假大兩制歸其勸講修注備膺寵章是固為之兆矣姑少徐之慶元丁巳冬至日

題至聖文宣王三十八代孫孔仲良唐貞元以後告身

石刻

自古推尊孔子莫如孟氏既荅公孫丑曰自生民以來未有孔子也又引宰我子貢有若之言曰夫子賢於堯舜遠矣生民未有之句言至再三蓋煦之也趙岐乃謂前聖後聖不得相踰門弟子之言大過而豈知孟子之意哉及唐韓愈謂天子至郡邑通祀孔子北面拜跪禮踰社稷彼堯舜雖得其位而不得常祀社稷雖得常祀而無天子北面拜跪之禮故云不得位而不得常祀無盛於孔子是為遠過堯舜之效然後孟子之意明矣某竊謂虞賓三恪隨運推移孰有世世襲封如衍聖公者城陽蒼梧間置守冢孰有廟宅世紀萬乘臨拜如孔林者以此推之將歷千萬世與天地相為終始何但生民未有而已今莆田幸有賢者為更版籍立四十九世孫之戶刻唐告於縣齋它日良二千石或能推擇嗣人世居學宮使先聖苗裔益勸無怠於以彰皇明崇儒重道之美又畫善也慶元三年十一月日

跋後漢樊常侍碑

右後漢樊常侍碑歐陽文忠公已有跋今其文率可讀蓋以永壽四年二月卒是年六月改元延熹八月丁酉制詔湖陽長劉操追授騎都印綬至二年十一月其子勒文碑石碑不失隧而趙明誠金石錄乃以為元年八月蓋因贈官而不考立碑在後

也慶元丙辰正月癸卯平園老叟周某書而歸之曾氏
跋歐陽公堯祠碑跋

堯祠碑在集古錄為第七百九十一卷左氏傳云巡屏攝正
義謂束茅為之國語云屏攝之位注以屏為屏風攝如要扇二
義雖殊其指主人祭祀之所則一也今跋以攝為攝或疑其誤
暨得漢碑亦以為攝豈古今傳寫不同將事神之際當屏息攝
伏以致其恭或為屏蔽之屏攝以威儀之攝也廬陵辭曹趙參
法示此跋教題其下為輕改古書者之戒慶元丙辰正月癸卯
周某題

題羅起宗廟食碑

紹興二十二年秋贛兵環攻南安以石壓卵未足喻其危稅官
羅君起宗獨冒白刃三入賊壘說之使去城賴以全當時雖不
與賞公乃附身神祠夫人爵不過顯一時廟食自當傳百世羅
君可以無憾而其子孫亦足自尉矣慶元二年四月十一日

題京仲遠與周孟覺帖

孟覺與予同宗同郡同年昔忝從班每有哀窮悼屈之心而未
嘗效拔茅連茹之力孰知其子乃能於三十年後持相國帖自
歸於光範乎愧歎而書卷尾其時日則誠齋題字之信宿也慶

元丙辰四月二十三日

曾效於御書樂毅論跋

臣伏讀高宗皇帝翰墨志云魏晉以來筆法無不臨摹又云每得右軍書手之不置初若食蜜少甘則已未如橄欖其味久愈在也故尤不忘於心手紹興三四年間嘗臨羲之所書樂毅論以賜樞臣韓公肖曾比之世傳高氏本間節三十餘字得非御府別藏真蹟自不同耶後六十有三年樞臣之孫前詔州守臣亞卿示臣使記歲月恭惟龍鳶飛動衆所共窺其天日清明臣何敢繪慶元丙辰四月二十八日具位臣周某謹再拜稽首書其後

題呂獻可墓誌

呂公獻可以熙寧四年五月卒八月葬時王荊公正任相位司馬文正公誌銘不斥其名不沒其實荊公見之亦無所發其怒前謂樞密副使者陳丞相暘叔也方以憂去牽聯潛其姓名可謂深得史法矣是時太僕卿劉仲通自請書丹而命其子忠定公器之秉筆斯文既出其誰不知邵伯溫乃謂仲通初雖有請見文復遲回不敢器之代父書之仲通又勸呂氏諸子勿模本恐非三家之福按國史仲通剛方人也押伴夏人折正其服章

奉使却秉常寶貨歸論不宜輕用兵因捍條新政不使者伍事
又上書論人主不可輕失天下心是豈徇時畏禍者哉設有前
却之意器之亦安得強其父而陷之罪也大抵邵氏聞見錄頗
多荒唐凡所書人及其歲月鮮不差互因是畧為之辨此碑當
日號三絕謂其人與文及書也真蹟今藏名相對忠肅公元孫
無欲家嘗以示忠定公曾孫孝昌孝昌念祖之心切將傳之副
墨而力不足會湖南部使者吳仲權鑑助其費久之乃能成是
可以傳遠矣慶元丙辰五月九日具位周某謹識

書其題蔡忠惠公帖

某之先君奉國公平生喜學蔡忠惠公書家藏京師舊石刻兩
卷真行草畢備妙絕一世乾道聞公曾孫戶部尚書沈來守廬
陵真摹即齋雖轉寫失真而典刑故在公元孫戶部侍郎戡
出帥豫章復刻公遺墨碑某記其歲月恭惟 高宗皇帝天縱
游藝嘗評公書為 本朝諸臣之冠且有入格律革驛驕之褒
天監在上誰敢措辭惟公當 仁廟天聖八年擢進士甲科名
在第十後百三十有七年歲在丙戌 孝宗龍宗策士侍郎復
踐世科名次若谷符節詩云惟其有之是以似之慶元二年五

月二十二日

題陳忠肅公尊堯集稟

陳忠肅公以元符庚辰入諫者力論蔡京姦邪弟示妄引王安
石日錄詆証三神廟未幾出守無為軍明年改元靖國入為都
司上書責曾布併及私史事復出海陵又明年當崇寧壬午貶
陝廉州此稟蓋當時筆也書成名曰合浦尊堯集繼四明尊堯
集其詆蔡氏愈力不翅數萬言厥後果有靖康之亂公可謂忠
也已矣可謂明也已矣真迹在公壻前衡陽太守蕭君懋德家
衡州之孫必得携以相示因為記其歲月仍錄國史本傳使併
藏之慶元二年五月二十八日

跋徐夫人所書華嚴經梁武懺

鬱林蔡侯子羽故母徐氏三衢人宣和間邢部侍郎韓敷言之
女潛心內典學虞世南書掌手寫華嚴法華經梁武懺皆終部
帙所謂婦女身得度者其子將藏是書於名山求予壹言予謂
夫人為善如此却氏之業在所不論二經果報寧復唐捐華嚴
經云南方國有長者妻名曰善慧見佛神力心生覺悟法華經
云比丘尼憍曇毗得佛授記後名光相如來予知夫人此念不
斷盡未來世當證二說豈止資其宜福而已慶元丙辰六月丙

寅

跋焦伯強與潘簡夫帖

歐陽文忠公贈焦伯強詩云焦生獨立士勢利不可恐又云皎皎寒泉冰其清正如此余裛彙文忠公集於書簡門得公與伯強帖凡十有六意愛之厚期待之遠情見乎辭今觀伯強遺永嘉潘簡夫十六帖淵原蓋有自矣簡夫諱約後為伯強婿三子文饒字民則文孝字少穎紹興間相繼擢第文虎字叔山亦嘗魁薦鄉評推為少穎之子檜今為臨江軍職官奉檄至廬陵出示此軸為題其後慶元丙辰中秋平園老叟周某

跋呂伯恭日記

黃太史晚謫宜州自崇寧四年歲旦凡風雨寒暑親舊往復以至日用飲食之類皆繫日書之名曰乙酉家乘止八月晦九月則易箒矣呂太史抱病東陽亦有日記起淳熙庚子春盡辛丑七月壬寅其明日遂卒蓋絕筆也方病時出入起居雖不逮山谷而編大事首周敦王修讀詩記自唐無孜孜課程所謂造次顛沛必於是者兩賢相去七十餘載何其相似也意長日月短悲夫慶元三年八月二十六日壬寅日書八行合八行入五

跋康中精紀

天錫九疇一日五行凡天地人有形則有數有數則圓於五行

是以善卜筮者預能測知人居其間又顯顯可推者傳不云乎
死生有命富貴在天豈術者之臆說哉春秋戰國前善相去多
若推祿命則盛於漢賈誼譏司馬季主曰高人祿命以悅人心
矯言禍福以規人財後世又可知已今士大夫至田夫野老人
人喜於談命故其書滿天下清江鄉貢進士廖中伯禮連舉未
第乃刻意於此會粹數十家之說章分件析考驗得失校量淺
深成精紀三卷携以示予予謂五行所寓有常焉有變焉常易
推也迹也變難推也理也自非心通意悟不足以盡此古稱善
其事者莫如李虛中萬端千緒參錯重出學者就傳其法初若
可取卒然失之茲豈易哉廖君歸矣苟因書悟理則將如由基
之射百發而百中不然讀齊侯之糟粕其中否未可知也

題裴晉公撰李西平神道碑

右裴晉公撰李西平神道碑以校江浙闕唐文粹本太率傳寫
脫謬且經改易不暇偏舉姑言其甚者乾元初立功武都邠人
咸服具以狀聞而諸本盡作具狀以聞何俗弱也乘墉壑如通
道殆有二義當謂士卒賈勇升高涉險如履平不然以而為如
猶春秋書星隕如雨也今衆本直改作而通道或增一字為軌
道於是下句若泉鏡而清宮亦添一禁字按周禮秋官摯蕞氏

掌覆天鳥之巢鄭氏讀如撻碑蓋用此撻字而諸本盡改為磔尤更淺陋古書日壞俗本日多此予所以撫卷三歎也慶元丙辰十一月己卯賜士卒官也其高宗御書於此碑也

大和九年賽陽山文在集古錄第五百四十三卷自唐乙卯歲至本朝嘉祐己亥六賢同觀時蓋二百二十五年又至熙寧辛亥一紀之間文忠公已有存亡今昔之歎後百一十五年為淳熙乙巳而亡友劉子澄記之今十三年子澄墓槨森然矣重可歎也慶元丙辰十一月乙酉平園老叟周某題而歸之劉氏

跋歐陽文忠公與裴如晦帖

右歐陽文忠公與裴如晦帖晦名煜慶曆六年科南首擢乙科嘉祐末以秘閣校理守潤州此公當時答書公文集書簡門先有嘉祐五年一帖而集古錄前漢鴈足銘跋亦載如晦與公別幅至治平四年如晦以集賢校理三司戶部勾院卒此帖藏紫微朱家作跋在隆興二年後三十三年朱公之子軾字叔止携以相示既刻附文忠公集又為記其大畧慶元丙辰十一月五日

題張志寧所藏東坡畫

蘇文忠公詩云空腸得酒芒角出肝肺槎牙生竹石森然欲作不可畱寫向君家雪色壁英氣自然乃可貴重五日一石豈知此耶慶元二年十二月旦

跋宋待制映寧軒自適詩

右徽猷閣待制宋公詩彙四十一篇皆紹興間寓鍾陵時投贈帥漕及與當世名勝唱酬也嗣孫文林即江陵府觀察推官文成將伐石刻真家塾屬其一言惟本朝五季之後詩人猶有唐末之風遺迨楊文公錢文僖劉中山諸賢繼出一變而為崑體未幾宋元憲景文公兄弟又以學問文章別成一家藻麗而

歸之雅正學者宗之號為二宋公蓋元憲曾孫字景晉名載詩序中東坡先生詩云吾觀二宋文字字照縑素淵源皆有考竒險或難句後來邈無繼嗣子其殆庶此六語者今可復施之公壬午歲某在後者嘗草公贈官制云學知守其家亦此意也慶元丁巳正月戊戌前進士周某書

跋李先之禮記義

右童貢先生李公先之補禮記義四首前兩道紹聖元年省元程文次兩道元祐八年監元陳文是時兼用經義詩賦取士賦已盛行於四方近德安府贛州刻公全集亦復收入獨經義不

傳子幼從公族人養素處士學手自抄寫徃歲因吉水高君德
懋番意是經命甥李驥騰本遺之今德懋之子誼携乃以相示為
題其後不然將莫知其誰之文也

跋臨江軍劉昌詩之父青詞稟

眉山唐子西父病篤母史氏祈以身代死已而母死父生彼特
伉儷之情尔或不容於兩全若劉氏兄弟則孝於事親也其感
格宜哉

題張魏公與晁升道帖

南渡寓盱江寶文閣學士劉洪道資深見高奇之薦于魏公自
是為公客公居潭請連音問不絕凡國太晚年之起居欽夫早
歲之學識皆於辭翰中及之最後謂人事無窮與天地相終始
欲其撥置以全精神期之者至矣今公季子龍閣尚書開鎮豫
章熙父兄之勲業升道之孫子毅携公手澤任侯蔡戰因為紀
其本末慶元丁巳十月丁丑

題呂紫微與晁仲石詩

晁氏一姓文獻相續殆無它楊號本朝盛族仲石諱公慶紹
興初與范願言曾表父同學詩於呂紫微故得是詩乾道元年

平江守沈公雅刻紫微集二十卷以歲月為先後此篇在未卷
中蓋暮年所作也仲石之子毅以示周某敬書其後慶元丁巳
十月丁丑

其本末題李龍眠山庄圖正

龍眠居士博學嗜古志尚清遠筆端餘力溢而為畫王荆公雅
重之數贈以詩又從穰黃公諸游蓋文與可一苛人也龍舒山
庄圖匹休朝川張右丞達明鴈峯談錄云正本為中貴梁師成
取去今所臨摹蓋初本也居士出處具蔡天所作誌文一子諱
碩字天老湖南提舉常平是生四子子識其二長諱琥字西美
通敏善議論終于邵倅季曰瑜字季周嘗為理掾能傳乃祖筆
法予屢得之今亡矣西美之孫咎出此軸請予題其後慶元三
年十月壬午平園老叟周某

跋張魏公與彭子從書

尚書即彭公子從德厚如璞玉歲寒如喬松紹興癸酉守零陵
郡故相張忠獻公謫居在馬場誠盡禮不以燥濕改其度已而
按刑交廣總賦沔鄂當時士大夫皆謂用未極也今觀忠獻帖
其賢可知若子若孫俱守家法雖繇積善使然亦忠獻相免為
學擇師友之助也慶元三年十月日

乘成兄為陸本仲因作益齋記其論損益之義詳矣仲因復承予跋殆難措辭抑聞之蘓文忠公為學務日益此言當自程為道貴日損此理在既盈請以是詩為齋之銘立爾常心毋欲速成惟直諒多聞之是親可以致身可以揚名豈止一第為榮而已慶元三年十月日

題俞洪所藏滕元發與俞退翁詩

四朝國史於遺逸中立俞退翁傳大槩用孫莘老所作墓表惟自西川召為御史力辭不拜墓表但云以闕自召傳乃謂王介甫藉其清望使擊故老夫清德安肯妄發介甫用人寧不察此竊疑滕元發嘗倅湖州退翁郡人熟知其賢觀所贈詩帖當熙寧元年神廟待元發方厚擢為中丞必舉臺屬退翁之召或以其薦即可知矣是歲十二月元發改翰林明年春介甫得政素惡元發出之于外知幾而退是乃所以為退翁况舉主補外自應隨罷耶墓表不書其由莘老亦嘗攻元發故也慶元丁巳十一月望退翁元孫洪相過出示元發詩翰妄意如此來者成有考焉退翁子孫甚盛豐積蓄取之報洪復醞藉疏通稱其家者也

又書溪堂集後

四朝國史於遺逸中立俞退翁傳大槩用孫莘老所作墓表惟自西川召為御史力辭不拜墓表但云以闕員召傳乃謂王介甫籍其清望使擊故老夫清德安肯妄發介甫人寧不察此竊疑滕元發嘗倅湖州退翁郡人熟知其賢觀所贈詩帖即可知矣當熙寧元年神廟待元發方厚擢為中丞合舉臺屬退翁之召必以其薦是歲十二月元發改翰林明年春介甫得政素惡元發出之于外知幾而退是乃所以為退翁况舉主補外自應視以為去就耶墓表不書其由莘老亦嘗攻元發故也退翁子孫甚盛且多顯者今其元孫微入為廷尉婁更麾節純誠厚德克世其家因示溪堂集附此說于後使來者有考焉慶元庚申二月己卯

平園續亭卷第八

周益文忠公集四十八

題跋三

題楊廷秀所作胡氏霜節堂記

清風嚴霜本不相為謀兼二美者竹也友人楊公廷秀平居薰
芳總仁真可解愠臨事則勁節凜然大寒而不改名堂作記曲
盡竹之情狀蓋身之非假之也今胡氏既知不可一日無此君
其可三日不讀此記乎慶元丁巳

題吉水蕭氏祖長官告

右武寧蕭長官所受淮南吳氏告一通按路振九國志楊行密

之子渭自吳王僭號改文散官大夫為大卿御史大夫為御史
大憲明年渭殂十一月弟溥嗣位改元乾貞實後唐天成元年
也徐溫既死子知誥起復秉政其歲月職制皆與此合予聞蕭
氏自武寧起家至曾孫諱定基字守一本朝天禧三年登第嘗
任侍御史風節凜然有孫服字昭甫元豐五年登第擢監察御
史時相蔡京憾執政劉逵背已窮治逵姻家章氏私鑄獄於平
江久不能決昭甫奉詔審鞫不如京指遂坐廢錮後起為吏部
員外郎出知蘄州卒再世以直諒聞號廬陵名族祿仕不絕武
寧七世孫武陵丞禕許字獻英才具過人予嘗與之游諸公方
欲薦用俄謝事去諫者惜之因其子特起出示祖告併題于後
慶元戊午上巳

跋蕭御史殿試真卷

右天禧三年蕭公廷試三題卷一日之間文不加點頃在館閣
同僚許克昌狀元出其從祖安世治平四年魁卷與此略同蓋
祖宗時士人業精於勤徃々習貫如自然非若後來之鹵莽也
家狀曾祖霽不仕而其裔孫尚歲淮南吳乾貞中任武寧縣令
真告豈以為偽官故不書耶或疑賦原韻不當押業之法按廣
韻入聲三十一洽與三十二狎通用三十三業與三十四也通

用自唐迄天禧皆然此舊韻也 仁廟初詔丁度等撰定集韻
於是移業為第三十一附業帖之後洽為第三十二而以押之
附之此今韻也慶元四年上巳

跋楊廷秀贈族人復字道卿詩

江西詩社山谷實主夏盟然四方人才如林今以數計未為多
也誠齋家吉水之滋塘執詩壇之牛耳始自宗族延及郡邑孰
非闢李杜之門晞歐蘇之蹤者粵無鑄燕無函秦無廬胡無弓
車夫人能為之尚可以社名乎家生執戟郎又拔乎其萃者也
慶元戊午七月二日

跋曾氏兄弟帖

贛川曾氏兄弟俱有時名其以文章議論致身禁從者三題謨
學士字琳夏竦文待制字天猷敷文待制謚文清字吉甫建炎
紹興三十年間並歷春官長貳可以知其人矣文清公二子大
理卿字原伯戶部侍郎字仲躬同事 孝宗克續先業視南豐
之曾殆庶幾焉仲躬子德廣守桐川袁兩世翰墨刻之石蓋將
對手捧而思永君子之澤即心畫而推廣前入之心濟美象賢
寧有既耶附以呂伯恭禮部君二帖深有益于學者乃知五公
彖方之教施及宅相向其盛也慶元戊午八月丙寅朔

題戊午歲吉州舉人期集小錄

選士於里登名天府為之首者期集同舉之人禮也廬陵號士鄉故此礼尤盛而今歲特盛焉永新左君淳熙己酉稟然居萬人之上今秋克復舊物而其父母年方五十餘二者皆近所稀有其盛一也誠齋楊公龍泉孫公朝廷鄉黨之達尊交以序美之其盛二也每舉士或有故不至者什僅三四今在坐乃五十人其盛三也左君既具著于錄而附以坐客所賦詩強予題其後老諄雖不能措辭竊有祝焉國朝天聖八年春參政歐陽公以國學首薦冠名南宮是年廷試榜眼則

丞相劉公其後昇甲則侍郎郭公中興第五則資政胡公至紹興十八年參政董公遂唱第一其他第甲科者猶未悉數也諸君勉旃踵前賢之高躅增吾邦之盛事其在茲行乎慶元四年日南至

題楊廷秀新塗胡氏義方堂記後

誠齋作羨方記理勝而文雄殊無老人譔諄衰弱氣象吾黨所共禱式豈特光賁胡氏家塾而已慶元己未十月辛未

跋東坡與張近帖

右坡公與張幾仲帖蓋元豐間摘黃時也所謂授德興尉者長

子邁也其將自黃移汝嘗賦長篇以銅劍易幾仲龍尾子石硯
幾仲作詩送硯反劍公又屬和卒以劍歸之具載集中幾仲名
近任至顯謨閣直學士國史有傳其從孫子佾家臨江軍實藏
此帖慶元己未十一月甲辰周某子充敬觀

平園續彙卷第八

題曾逮侍郎戒其子棠清廉帖

漢華陰楊氏自高帝時喜以功封赤泉侯其後敝相昭帝傳至
東京而震益顯遂為名族大要以清白遺子孫子孫亦能守之
四世清德之褒見於孔北海疏殆與兩漢相為始終何其盛哉
本朝賴川曾氏儒素相承弟兄俱上禁塗至文清公乃用此易
其名是生仲躬出藩入從受知孝宗方季子出仕之初授古證
今誨戒諄々無非清白之訓是豈教感誦者惟能世濟其美不
隕其名則將與國咸休永世無窮矣慶元丁巳十二月

某與水跋撫州游祖武禊帖

平園續彙

卷第八

五

其與家兄子中自少喜收法書前後得右軍禊帖以十數共評
此軸游氏所藏謂謝脫拘束而動容周旋如印：泥無不慝當
筆意爽：妙入神品蓋傳於今者惟定武瘦本最佳茲其一也
慶元丁巳臘月丁酉

跋唐子西帖

眉山唐子西之文盛傳于世不待贊也史稱其論事精密通于
世務為宰相張天覺所知歷宗子博士提舉京畿常平貶惠州
數年歸蜀而卒有子曰文若字立夫一字仲懿寬厚秀傑文辭
高雅不妄與人交而襟懷灑落人自愛之登紹興五年進士第

屢被薦召名仕于蜀二十六年入為光祿寺丞遷祕書郎擢起
居郎執政有惡其不下已者諷言官誣以事出知邵州改饒州
除直敷文閣徙溫州三十一年參知政事楊椿薦之高宗笑曰
今不教否蓋或言其簡伉也以宗正少卿召再為起居郎明年
二月進中書舍人兼修玉牒官隆興元年以足疾求去正月丙
辰除敷文閣待制知漢州明日改江淮都督府恭贊軍事符離
退師例貶秩二等求出幕得昂徙江州病丐祠二年某月卒于
南康軍年六十晚號遜庵初為鄱陽破豪民一族人稱其政後
與郡人王樞密剛中通婚因卜居烏在朝廷若不與事間出議

論輒正平無向背高宗將內禪懲靖康吳敏輩自以為功未嘗
語人宰執亦不敢問獨立夫請對言不宜迫遽高宗諒其忠與
詳論舊事會御批追崇皇太子所生父立夫已書黃因過某款
聖德不可及而疑名稱未安歸白宰相請更黃而堂吏執不可
立夫請不已宰相以聞改稱皇太子本生親尋詔侍從臺諫就
御史臺會議遂稱皇兄而加贈盡品其端蓋立夫發之立夫素
主民兵或疑其迂雖予亦不謂然及守九江適虜騎犯舒立夫
參用民兵備禦整暇方替匠刻東坡集人賴以少安其治郡能
盡僚屬之才人皆樂為宣力至簿書期會則不屑：性既寡合
遇所喜形迹都忘平生不言人過雖有憾亦容之常曰觀人以
初見為定徃：十得六七少因讀史悟性理宣州僧宗杲及與
子西並遊張天覺之門名震一時立夫適相遇於荆南先語其
子云我今謁杲彼若叩我：便不服杲望見立夫遽曰尊公文
章滿腹却欠此事君從何處得來立夫喜且服人兩奇之子輅
字德輿亦能文進德壽慶宮慶壽古賦後省第入甲等乾道中
由大理司直出通判漢州淳熙十三年冬提轄權貨務高宗上
優獻嘖諫謂合稱祖破禮官之說又及巷市七日事孝宗下其
議會御史蔡洪翰林邁首諫稱祖非是洪家居待罪孝宗曰議

禮如聚訟何嫌異同於是禮官併疏輅失言給事中亦乞罷輅
後通判隆興府予嘗與立夫同僚相善又惟文士子能世其
家如唐氏未易多得故傳其事於上舍游君所藏子西帖之後
使脩史者有考焉輅今為利州守慶元戊午正月乙卯

跋韓子蒼與曾公衮錢遜叔諸人唱和詩

崇寧大觀而後有司取士專用王氏學甚至欲禁讀史作詩然
執牛耳者未嘗無人凡紹興初以詩名家皆當日人才也今讀
韓子蒼與錢遜叔曾公衮等臨川唱酬略可覩矣或疑所以然
予曰舉子在場屋為學不專為文不力既仕則棄其舊習難乎

新功彼有志之士其操心也專其學古也力譬之追風籟雲之
驥要非繩墨所能馭故子蒼諸賢往往不由科舉而進一時如
程致道呂居仁曾吉甫朱希真皆是也其又奚疑慶元戊午正
月戊午

跋曾公衮錢遜叔韓子蒼諸公唱和詩

國家數路取人科舉之外多英才自徽廟迄于中興如程致道
呂居仁曾吉甫朱希真詩名藉藉朝廷賜第顯用之今觀曾公
衮錢遜叔韓子蒼諸賢又皆翰墨雄師非有司尺度所能得也
紹興初星聚臨川唱妍酬麗一時傾慕郡之名勝游氏襲藏此

卷有年數矣慶元紀號之四年歲在戊午上巳日周某子克敬
題其末

跋宋運判 晒奏稟

右故廣西運判宋公奏章四稟公以紹興二年二月為衡陽太
守當孔彥舟馬友曹成諸劇賊破城侵境之後黎庶凋瘵百孔
千瘡官軍征戍日夜往來資糧罪後應酬無虛日而能悉心撫
摩臨事整暇奏課遂為湖南第一四年三月代還此陛對所陳
也如乞諸郡置將乘時和糴與夫鞭策諸將早圖恢復皆中興
急務深契高皇之心昇以使節將試用之攬轡踰年奉祠遽歸

沒於臨川二子子伋子倬仕皆弗顯其孫文祚等得此遺墨俾
某識其後公之守衡也舅氏王公籍實貳郡事奉外祖母衛國
太夫人在烏又叔父靜江府君侍祖母秦國夫人宰屬邑之安
仁某時年七八歲侍先夫人省秦國衛國於衡尚能記公之政
今追書大略如此公諱晒字景融蓋鄭國元憲公曾孫而外祖
母之姪於先夫人為表兄云慶元戊午三月十七日

跋張忠獻公與外舅帖

張忠獻公忠君憂國勸學為善之心造次顛沛未嘗少忘凡見
於手書者皆是也近世浮辭繆敬盈于尺牘觀此得不見賢思

齊乎公鄉郡及移瀘帥答書也德人士風之衰期待甚厚蓋聞
名於過平江之日知非溢美外舅季子嘉賓歲之有年今傳其
子紹祥而屬其題其後慶元戊午五月庚戌

跋義靈廟碑

義靈廟者滕侯棲神之所也侯宣和間掾天台適方寇鴟張初
為曲突徙薪之計後收焦頭爛額之功正使二千石智勇過人
未必兼此二者孰謂一戶曹乃優為之當時祠享永世廟食宜
哉慶元戊午五月丁巳

題聶倅周臣所藏黃魯直送徐隱父宰餘干詩橐

山谷此詩今載外集不觀初草何以知後作之工老杜云陶冶
性情存底物新詩改罷自長吟孰知二謝將軍事頗學陰何苦
用心苟作云乎哉慶元戊午歲戊午月戊午日平園老叟周某
書而歸之聶氏

跋江氏舊書

右安陸江氏書一卷頗有誤字首印江元琳書籍記末用越州
管内觀察使之印不知元叔守越時錄本或錢氏舊書也子孫
不能守多入鄉人翰林學士鄭獬毅夫家贛州興國主簿余鑄
得此以遺余乃錄毅夫鄭溪集所載記文于後慶元戊午歲戊

千月戊午日

跋黃山谷書唐人詩

右山谷大書一軸紹興末外舅御史王公彥光守漢或帥瀘時得之今將四十年其孫紹祥携以相示昔山谷謫居多作字以遺蜀人中興後凡東南士大夫之為監司郡守者徃有所獲而歸歲月既久遇其良輒取之群無留良焉詩不云乎尚有典刑慶元戊午五月十四日

跋張芸叟劉滄詩

右浮休張公劉將軍墳廟詩一首將軍諱滄慶曆名將力戰城

水浴蕃漢皆畏愛幾為狄青尹洙所害故云生前毀譽豈堪聽身後功名始汗青此詩雖載畫墁集亦潛其名故表而出之慶元四年六月旦張公曾孫繼祖携以相示為題其後
跋司馬文正公手鈔富文忠公使北錄

司馬文正公於廣記備言不啻飢渴之嗜飲食况國家重事乎富文忠使北語錄首尾萬有餘字手自鈔錄他人安能為此淳熙癸卯公曾孫吏部侍郎季思刻石泉南屬其題其後今十六年而侍郎之子遵求踐宿諾感歎不已其昔為太史牛馬走恭讀徽宗實錄宣和六年春既獲變夷不得慶曆國書世書真本

歲寶文閣朝廷以為快祖宗累世之憤則富公奏牘所謂影帶
下策蓋用之美當時力辭奉使賞抑有由也慶元四年六月十
一日

題東坡上薛向樞密書

薛恭敏公元豐元年九月自樞密直學士工部侍郎知定州召
入西府蘇文忠公昔嘗與之論天下事今復貽書深切著明如
此責善為有加美薛本以理財論兵進及在政踞首尾三年同
列質以西北事則養威持重未嘗啓其端最後詔民蓄馬既奉
行復欲反汗為舒實論罷聞羨能徙不善能改未必不因蘇公

之書比夫患失遂非者有間矣元祐間特被褒表豈無所自耶
公作此時年四十三是日其生朝也身為二千石士民當盈庭
為壽不則與家人飲食燕樂乃齋心呵凍極陳國計其賢於人
遠矣官本不載此書於集惟麻沙本及別集有之故人劉錢壽
史君之子宗奭兄弟家藏真蹟慶元戊午七月旦以示前進士
周某敬題其後

題李侍講希哲歲時雜記後

本朝承平歲久斯人安生樂業凡遇節物隨時制宜雖有古有
今或雅或鄙所在不同然上而朝廷次而郡國下逮民庶驩娛

熙洽未嘗虐度則一也侍講呂公當全盛時食相門之德既目擊舊禮又身歷外官四方風俗皆得周知追記于冊殆無遺者惟上元一門多至五十餘條百年積累之盛故家文獻之餘茲可推矣慶元戊午秋公之元孫仙遊邑大夫祖平以示平園老叟周某竊有生晚不及見之嘆云

自題與黃談書尺

元祐給事中黃公夷仲之曾孫諱談字子默山谷先生從孫實傳詩社之正印有文集三十卷自號澗壑居士早受知於胡明仲侍郎其後劉共文樞密張安國舍人繼師湖南皆為上介屬

以文翰人門其美宜在朝廷而官止權務壽不及知命識者惜之嗣子早世其孫鈞以予隆興乾道間往復之書數十通聯為大軸銜袖相過內十四幅乃予手筆餘皆弟姪及筆吏代作今三紀矣追懷人物之英豈易復得重為嘆息慶元戊午九月己亥

跋撫州鄔處詩

臨川自晏元獻公王文公主文盟於本朝由是詩人項背相望近世如謝無逸幼槃兄弟及饒德操汪信民皆傑然拔出者也南渡以來又得寓公韓子蒼呂居仁振而作之四方傳為盛事

其後儒冠則曾季狸表父釋氏則文慧大師惠嚴道士則黎道
華師侯同時以詩鳴人喜稱之今鄔君文伯復以科舉餘力刻
意吟咏橐其新舊橐遠以相示予雖不能詩然亦知其為佳作
也蓋木有本可以干霄水有源可以至海以君之才進而不已
追前人而與之齊斯無難矣慶元戊午九月戊申

跋山谷草書太白詩

南豐譔氏收山谷草書李太白歌行一卷殆中年筆也予家藏
數卷亦太白詩蓋非謫仙妙語不足發龍蛇飛動之勢矣今江
西豫章廬陵宜春皆刻山谷真草惟蜀中劉氏十卷中草聖尤
奇實暮年筆也始潁昌劉昱字晦叔與山谷友善暨其子環孫
伯虎三世相繼持節于蜀日裒月聚固宜得之之富其間二說
學者不可不知乃命小史錄于左慶元戊午十月丁亥

跋張如瑩書歸去來詞

永嘉陳開祖紹興二年登第張公子韶雅重之仕至廣德太守
行誼表于一鄉廉靖著于仕塗其倅豫章戶部尚書張公如瑩
以慶遠軍節度使來為連帥素以翰墨馳聲位望既崇益自珍
貴人欲其尺牘不可得獨為開祖書歸去來詞於畫卷且推美
其古雅今五十年而開祖之子求仁請予為之跋求仁三為劇

邑以名字再典郡守嘗同僚知其端諒通達蓋名父子也開祖
諱一鶚求仁名自修慶元五年正月十九日

跋王才臣十史論

淳熙中予備數政府故人劉子澄守衡言布衣劉德老之才孝
廟亟命以官食衡祠祿因思予友王才臣才學不啻德老甚欲
以名聞顧念才臣春秋末甚高猶當以科第進遂不果後歸老
里中才臣猶在場屋偶見孫從之跋其史論為之悵然才臣身
雖益困而所養益厚異時會當有知之者予老夫尚庶幾及見
之慶元五年上巳日

書譚該樂府後

世謂樂府起於漢魏蓋由惠帝有樂府令武帝立樂府采詩夜
誦也唐元稹則以仲尼文王操伯牙水仙操齊牘沐雉朝飛衛
女思歸引為樂府之始以予考之乃賡載歌董芳解愠在虞舜
時此體固已萌芽豈止三代遺韻而已新喻譚該居之舉業餘
暇作上之回等十四篇因舊題而衍其辭用意深遠至於擬古
詠史詠懷感遇諸詩多有佳句進而不止前輩可以企及為題
卷末而勉之慶元己未五月戊戌

韓文公集雜朝飛云牧犢子
作吳軹樂府古題要解以為

處士牘木子劉次莊樂府集序又作牘沐未知孰是

跋宋景晉手書佛經

待制宋公手書金剛經端謹有法度始末一體如摹印然敬之至也王荆公學王濛書多為橫風疾雨之勢每作帖初尚矜持後必坦率惟寫佛經專用楷法亦是理歟公以紹興己未五月書此其曾孫曾老以慶元己未五月示周某甲子適一周矣

題趙清獻公三帖

右趙清獻公三帖第一乃嘉祐八年春任度支副使所作其云孫公勇退謂屬人文懿公也名與公同尋除東宮三少致仕屹公長子是年登科第二則治平二年公知成都時仁舉不知謂誰三年有都官郎中廣濟河催綱石輅為梓州路運判或斯人欵第三云呂侍講三請留司蓋正獻公也是年八月出知蔡州慶元五月十日旦平園老叟周某謹題

三國志卷之八

魏書

卷之八

魏書

卷之八

魏書

卷之八

魏書

卷之八



